


35-27.



御纂醫宗金鑑卷三十五

編輯運氣要訣目錄

太虛圖

陰陽圖

太虛理氣天地陰陽譌

五行圖

五行生尅制化圖

五行質氣生尅制化譌

五運合臟腑十二經絡圖

六氣合臟腑十二經絡圖

行身醫金
運氣合臟腑十二經絡誦

主運圖

主運歌

主氣圖

主氣歌

客運圖

客運歌

客氣司天在泉間氣圖

客氣司天在泉間氣歌

五運節令圖

六氣節令圖

運氣分主節令歌

五音太少相生圖

五音主客太少相生謠

五運齊化兼化圖

六氣正化對化圖

五運齊化兼化六氣正化對化謠

六十年運氣上下相臨圖

六十年運氣上下相臨謠

指掌圖

起主客定位指掌歌

天符圖

歲會圖

同天符同歲會圖

天符太乙天符歲會同天符同歲會歌

執法行令貴人歌

南北政圖

南政年𧈧不應圖

北政年𧈧不應圖

南北政年𧈧不應歌

五運平氣太過不及謬

運氣所至先後時歌

運氣亢害承制謬

六氣勝復謬

五行鬱極乃發謬

天時地化五病二火謬

五星所見太過不及謬

五行德政合化災變謬

五行地化蟲畜穀果有太過不及齊兼化謬

運氣為病謬

五運客運太過為病詩

六氣客氣主病詩

運氣當審常變詩

附衝陽諸腧穴圖

五運平氣太過不及備

六氣平氣太過不及備

御纂醫宗金鑑卷三十五


編輯運氣要訣

經曰夫五運陰陽者天地之道也萬物之綱紀變化之父母生殺之本始神明之府也可不通乎又曰治不法天之紀地之理則災害至矣又曰不知年之所加氣之盛衰虛實之所起不可以爲工矣由是觀之不知運氣而爲醫欲其無失者鮮矣茲將內經運氣要語編成歌訣并列圖於前使學者一覽卽明其大綱旨要之所在然後徧求全經精義庶乎有得云

太

虛

圖



太虛者太極也太極
 本無極故名曰太虛
 素簡天元紀大論曰
 太虛寥廓肇基化元
 萬物資始五運終天
 在氣真靈總統坤元
 九星懸朗七曜周旋
 日陰日陽日柔日剛
 幽顯既位寒暑弛張
 化小化化品物咸下

陰

陽

圖



來知德易經而

註曰對待者

數流行者氣

主宰者理即

此三句而天

地萬物無不

包括其中矣

太虛理氣天地陰陽歌

無極太虛氣中理太極太虛理中氣乘氣動靜生陰陽陰陽之分爲天地未有天地氣生形已有天地形寓氣從形究氣曰陰陽卽氣觀理曰太極

註

太者極其至大之謂也虛者空虛無物之謂也蓋極太極虛無聲無臭之中具有極大極至之理氣焉理氣未分而混沌者太虛也太虛曰無極者是主太虛流行之氣中主宰之理而言也太虛曰太極者是主太虛主宰之理中流行之氣而言也故周子曰無極而太極者亦是以極無而推極有也蓋極無中無是而非理極有中無是而非氣不

以極無之理而推極有之氣何以知有是氣也不以極有之氣而推極無之理何以知有是理也是則可知理氣以其分殊而言之二也以其渾合而言之—也有是理則有是氣有是氣則有是理名雖有二其實則一本無有無—二先後之可言也乘氣動靜生陰陽者謂太極乘氣機之動而生陽乘氣機之靜而生陰即周子曰太極動而生陽靜而生陰之謂也然不曰無極動而生陽靜而生陰而曰太極動而生陽靜而生陰者蓋以無極專主乎理言理無動靜故也太極兼主乎氣言氣有動靜故也陰陽之分爲天地者謂陰陽流行相生不已積陽之清者爲天積陰之


濁者爲地故周子曰分陰分陽兩儀立焉也未有天地氣
生形者謂未有天地惟太虛中之一氣化生天地之形也
已有天地形寓氣者謂已有天地而太虛之氣卽已寓於
天地之形也是以天得之以資萬物之始地得之以資萬
物之生也從形究氣曰陰陽者陰陽卽理中流行之氣也
卽氣觀理曰太極者太極卽氣中主宰之理也故周子曰
陰陽一太極者是指氣之極者而言也太極本無極者是
指理之極者而言也

按

吳澄曰太極無動靜動靜者氣機也是以太極專主乎理
言也朱子曰太極之有動靜是天命之流行也是以太極

兼主乎氣言也又曰太虛者本然之妙也動靜者所乘之
機也本然之妙卽太極指其本然主宰是動是靜之妙之
理也所乘之機卽動靜指其天命流行乘動乘靜之機之
氣也當依朱子爲是

五行圖



兼主午說自此又曰大動者木然之妙也山隨精清也乘之

兼主午說自此又曰大動者木然之妙也山隨精清也乘之

五行生剋制化圖



五行質氣生尅制化歌

天地陰陽生五行各一其質各一氣質具於地氣行天五行順
布四時序木火土金水相生木土水火金尅制亢害承制制生
化生生化化萬物立

註

天地既立而陰陽卽在天地之中陽動而變陰靜而合生
五行也天一生水地六成之地二生火天七成之天三生
木地八成之地四生金天九成之天五生土地十成之是
五行各一其質也東方生木木之氣風南方生火火之氣
熱中央生土土之氣濕西方生金金之氣燥北方生水水
之氣寒是五行各一其氣也在地曰木在天曰風在地曰

火在天曰熱在地曰土在天曰濕在地曰金在天曰燥在
地曰水在天曰寒是五行質具於地氣行於天也木位東
方風氣布春火位南方熱氣布夏土位中央四維濕氣布
長夏金位西方燥氣布秋水位北方寒氣布冬是五氣順
布四時之序也卽周子曰陽變陰合而生水火木金土五
氣順布四時行焉木生火火生土土生金金生水水復生
木是五行相生主生養萬物者也木尅土土尅水水尅火
火尅金金尅木木復尅土是五行相尅主殺害萬物者也
相尅則死相制則生本尅害土土尅害水水尅害火火尅
害金金尅害木此尅其所勝者也然我之所勝之子卽我

之所不勝者也我畏彼子出救毋害不敢妄行承受迺制
制則生化則各恒其德而生化萬物無不具也假如木亢
太過土受害矣是我勝其我之所勝者也土之子金承而
制焉則我畏我之所不勝自然承受迺制制則生化矣火
亢太過金受制矣金之子水承而制焉土亢太過水受制
矣水之子木承而制焉金亢太過木受制矣木之子火承
而制焉水亢太過火受制矣火之子土承而制焉五行皆
若此也此所以相生而不害相制而不尅也而生生化化
萬物立命之道卽在於是矣此五行生尅制化之理不可
不知者也

五運合臟腑二十經絡圖



六氣合臟二十經絡圖



運氣合臟腑十二經絡歌

醫明陰陽五行理始曉天時民病情五運五行五氣化六氣天地陰陽生火分君相氣熱暑爲合人之臟腑經天干起運地支氣天五地六節制成

註

學醫業者必要明天地陰陽五行之理始曉天時之和不和民之生病之情由也人皆知五運化自五行五質五氣也而不知六氣化自天地陰陽六質六氣也六質者卽經曰木火土金水火地之陰陽也生長化收藏下應之也六氣者卽經曰風暑濕燥寒火天之陰陽也三陰三陽上奉之也是以在地之火分爲君火相火在天之氣分爲熱氣

暑氣爲合人之五臟六腑包絡十二經也天干陰陽合而爲五故主五運甲化陽土合人之胃己化陰土合人之脾乙化陰金合人之肺庚化陽金合人大腸丙化陽水合人膀胱辛化陰水合人之腎丁化陰木合人之肝壬化陽木合人之膽戊化陽火合人小腸癸化陰火合人之心相火屬陽者合人三焦相火屬陰者合人包絡此天干合人之五臟六腑十二經也地支陰陽合而爲六故主六氣子午主少陰君火合人之心與小腸也丑未主太陰濕土合人之脾與胃也寅申主少陽相火合人之三焦包絡也卯酉主陽明燥金合人之肺與大腸也辰戌主大陽寒水合人


之膀胱與腎也已亥主厥陰風木合人之肝與膽也此地
支之合人之五臟六腑十二經也天數五而五陰五陽故
爲十于地數六而六陰六陽故爲十二支天干之五必得
地支之六以爲節地支之六必得天干之五以爲制而後
六甲成歲氣備故一歲中運以七十二日五位分主之六
氣以六十日六步分主之也

接

十二經天干歌內云甲膽乙肝丙小腸丁心戊胃己脾鄉
庚屬大腸辛屬肺壬屬膀胱癸腎藏三焦亦向壬中寄包
絡同歸入癸方此以方位言天干所屬配合臟腑歲歲之
常也今以五運言天干所化配合臟腑年年之變所以不

同也十二經地支歌內云肺寅大卯胃辰宮脾巳心午小
未中申胱酉腎心包戌亥焦子膽丑肝通此以流行言地
支所屬配合臟腑日日之常也今以六氣言地支所化配
合臟腑年年之變所以不同也讀者審之

五 運 圖



主運訶

五運五行御五位五氣相生順令行此是常令年不易然有相得或逆從運有太過不及理人有虛實寒熱情天時不和萬物病民病合人臟腑生

註

主運者主運行四時之常令也五行者木火土金水也五位者東南中西北也五氣者風暑濕燥寒也木御東方風氣順布春令是初之運也火御南方暑氣順布夏令是二之運也土御中央四維濕氣順布長夏之令是三之運也金御西方燥氣順布秋令是四之運也水御北方寒氣順布冬令是五之運也此是天以五為制分五方主之五運

五氣相生四時常令年年相仍而不易也然其中之氣化
有相得或不相得或從天氣或逆天氣或從天氣而逆地
氣或逆天氣而從地氣故運有太過不及四時不和之理
人有臟腑經絡虛實寒熱不同之情始召外邪令化而生
病也天時不和萬物皆病而爲民病者亦必因其人臟腑
不和而生也

主氣圖



主氣歌

主氣六位同主運顯明之右君位知退行一步相火治復行一步土治之復行一步金氣治復行一步水治之復行一步木氣治復行一步君治之

註

主氣者厥陰風木主春初之氣也少陰君火主夏二之氣也少陽相火主盛夏三之氣也太陰濕土主長夏四之氣也陽明燥金主秋五之氣也太陽寒水主冬六之氣也此是地以六爲節分六位主之六氣相生同主運五氣相生四時之常令也顯明者正南之位當君位也而君火不在位治之反退位于次以相火代君火司化則當知卽經云

少陰不司氣化之義也正南客氣司天之位也司天之右天之右間位也在主氣爲二之氣位是少陰君火之位主行夏令之氣也故曰顯明之右君火之位也君火之右退行一步乃客氣司天之位也在主氣爲三之氣位是少陽相火之位主行盛夏之令之氣也不曰復行而曰退行者以臣對君之面承命司化不敢背行故曰退行一步卽復行一步也復行一步土氣治之乃客氣天之左間位也在主氣爲四之氣位是太陰濕土之位主行長夏令之氣也復行一步金氣治之乃客氣地之右間位也在主氣爲五之氣位是陽明燥金之位主行秋令之氣也復行一步水

氣治之乃容氣在泉之位也在主氣爲六之氣位是太陽
寒水之位主行冬令之氣也復行一步木氣治之乃容氣
地之左間位也在主氣爲初之氣位是厥陰風木之位主
行春令之氣也復行一步君火治之卽前君火之位治之
也

客運圖



客運歌

五天蒼丹齡玄素天氣天于合化臨甲巳化土丙辛水丁壬化
木乙庚金戊癸化火五客運起以中運相生輪陰少乙丁巳辛
癸陽太甲丙戊庚壬

註

五天者蒼天天之色青者也丹天天之色赤者也齡天天
之色黃者也玄天天之色黑者也素天天之色白者也天
氣者蒼天之氣木也丹天之氣火也齡天之氣土也玄天
之氣水也素天之氣金也天于者甲乙丙丁戊巳庚辛壬
癸也古聖仰觀五天五氣蒼天木氣下臨丁壬之方故識
丁壬合化而生木運也丹天火氣下臨戊癸之方故識戊

癸合化而生火運也。齡天土氣下臨甲巳之方，故識甲巳合化而生土運也。玄天水氣下臨丙辛之方，故識丙辛合化而生水運也。素天金氣下臨乙庚之方，故識乙庚合化而生金運也。此天氣天干合化加臨主運五位之客運也。起以所化統主本年中運爲初運，五行相生以次輪取如甲巳之年土運統之，起初運土生金爲二運，金生水爲三運，水生木爲四運，木生火爲五運，餘四運皆倣土運起之。乙丁巳辛癸屬陰干爲五陰年，主五少不及之運。甲丙戊庚壬屬陽干爲五陽年，主五太太過之運也。

客氣司天在泉間氣圖



客氣司天在泉間氣誦

子午少陰君火天陽明燥金應在泉丑未太陰太陽治寅申少陽厥陰聯卯酉却與子午倒辰戌巳亥亦皆然每歲天泉四間氣上下分統各半年

註


天干起運地支起氣此言地之陰陽正化對化加臨主氣六位之客氣也如子午之歲少陰君火治之起司天也陽明燥金在下起在泉也氣由下而升上故以在下之陽明起之陽明二陽二陽生三陽三陽太陽故太陽寒水爲客初氣卽地之左間也三陽陽極生一陰一陰厥陰故厥陰爲客二氣卽天之右間也一陰生二陰二陰少陰故少陰

爲客三氣卽司天之氣也二陰生三陰一陰太陰故太陰
爲客四氣卽天之左間也三陰陰極生一陽一陽少陽故
少陽爲客五氣卽地之右間也一陽生二陽二陽陽明故
陽明爲客六氣卽在泉之氣也丑未寅申之歲皆倣此法
起之卯酉却與子午倒換辰戌却與丑未倒換巳亥却與
寅申倒換謂卯酉之歲陽明燥金司天少陰君火在泉辰
戌之歲太陽寒水司天太陰濕土在泉巳亥之歲厥陰風
木司天少陽相火在泉彼此倒換也每歲司天在泉左右
四間氣者卽六氣分統上下本年司天統主上半年在泉
統主下半年之統氣也

五運節令圖



六氣節命圖



御製醫宗金鑑
卷三十一
編輯運氣要訣

運氣分主節令歌

大立雨驚春清穀立滿芒夏小大暑立處白秋寒霜立小大冬
小從頭數初大二春十三日三運芒種十日甫四運處暑後七
日五運立冬四日主

註

天以六為節謂以二十四氣六分分之為六氣之六步也
地以五為制謂以二十四氣五分之為五運之五位也
二十四氣即大寒立春雨水驚蟄主初之氣也春分清
明穀雨立夏主二之氣也小滿芒種夏至小暑主三之氣也
大暑立秋處暑白露主四之氣也秋分寒露霜降立冬主
五之氣也小雪大雪冬至小寒主終之氣也此主氣客氣

分主六步之時也大寒起至春分後十二日主初運也春
分十三日起至芒種後九日主二運也芒種十日起至處
暑後六日主三運也處暑七日起至立冬後三日主四運
也立冬四日起至小寒未日主五運也此主運客運分主
五位之時也

五音太少相生圖



三日歌生...
 六日生...
 九日生...
 十二日生...
 十五日生...
 十八日生...
 廿一日生...
 廿四日生...
 廿七日生...
 三十日生...

五音主客太少相生歌

王運角徵宮商羽五音太少中運取如逢太徵太商年必是少角少宮羽若逢太角宮羽年必是少商與少徵以客取主太少生以主定客重角羽

註


主運之音必始角而終羽者乃五音分主四時順布之常序也然陽年爲太陰年爲少者是五音四時太過不及之變化也如逢戊年太徵庚年太商之年則主運初運必是少角二運則是太徵三運必是少宮四運則是太商終運必是少羽也若逢壬年太角甲年太宮丙年太羽之年則主運初運則是太角二運必是少徵三運則是太宮四運

五運齊化兼化圖



印真者宗公益
卷二十一
編輯運氣要訣

六氣正化對化圖



正司化命之實

對司化命之虛

五運齊化兼化六氣正化對化調

運過勝已畏齊化不及乘衰勝已兼太過被尅不及助皆爲正化是平年氣寅午未酉戌亥正司化令有餘看子丑卯辰巳申歲對司化令不足言

註

五運之中運統主一年之運也中運太過則旺勝已者則畏其盛反齊其化矣如太宮土運反齊木化太角木運反齊金化太商金運反齊火化太徵火運反齊水化太羽水運反齊土化也卽經所謂畏其旺反同其化蒲其所不勝也中運不及則弱勝已者則乘其衰來兼其化矣如少宮土運木來兼化少角木運金來兼化少商金運火來兼化

少徵火運水來兼化少羽水運土來兼化卽經所謂乘其
弱來同其化所不勝薄之也中運戊辰陽年火運太過遇
寒水司天則爲太過被制中運乙卯陰年金運不及遇燥
金司天則爲同氣中運辛卯陰年水運不及則爲相生俱
爲不及得助凡遇此類皆爲正化平和之年也氣者六氣
之客氣統一歲之司化之氣也如厥陰司己亥以厥陰屬
木木生於亥故正化於亥對化於巳也少陰司子午以少
陰爲君火當正南離位故正化於午對化於子也太陰司
丑未以太陰屬土居中王於西南未宮故正化於未對化
於丑也少陽司寅申以少陽屬相火位卑於君火火生於

寅故正化於寅對化於申也陽明司卯酉以陽明屬金酉
爲西方金位故正化於酉對化於卯也太陽司辰戌以太
陽爲水辰戌屬土然水行土中而戌居西北屬水漸王之
鄉是以洪範五行以戌屬水故正化於戌對化於辰也是
以寅午未酉戌亥爲正化正化者令之實土有餘也子丑
卯辰巳申爲對化對化者令之虛土不足也

十六年運氣上下相臨圖



行... 卷三十一

三

六十年運氣上下相臨詩

客運中運主一歲客氣天泉主半年氣生中運曰順化運被氣
尅天刑言運生天氣乃小逆運尅司天不和愆氣運相同天符
歲另有天符歲會參

註

客運之初運卽統主一歲之中運也經曰甲巳之歲土運
統之云云者是也客氣司天之三氣六氣卽統主上半年
在泉統主下半年之氣也經曰歲半以前天氣主之歲半
以後地氣主之者是也六十年中運氣上下臨遇則有相
得不相得者也氣生中運者謂司天生中運也如癸巳癸
亥木生火也甲子甲午甲寅甲申火生土也乙丑乙未土


生金也辛卯辛酉金生水也壬辰壬戌水生木也六十年
中有此十二年天氣生運以上生下故名順化爲相得之
歲也運被氣尅者謂司天尅中運也如己巳己亥木尅土
也辛丑辛未土尅水也戊辰戊戌水尅火也庚子庚午庚
寅庚申火尅金也丁卯丁酉金尅木也六十年中有此十
二年天氣尅運以上尅下故名天刑爲不相得之歲也運
生天氣者謂中運生司天也如癸丑癸未火生土也壬子
壬午壬寅壬申木生火也辛巳辛亥水生木也庚辰庚戌
金生水也己卯己酉土生金也六十年中有此十二年運
生天氣以下生上雖曰相生然子居母上故爲小逆而主

微病也運尅司天者謂由運尅司天也如乙巳乙亥金尅木也丙子丙午丙寅丙申水尅火也丁丑丁未木尅土也癸卯癸酉火尅金也甲辰甲戌土尅水也六十年中有此十二年運尅天氣以下尅土故名不和亦爲不相得而主病甚也氣運相同者如運氣皆木丁巳丁亥運氣皆火戊子戊午戊寅戊申運氣皆土己丑己未運氣皆金乙卯乙酉運氣皆水丙辰丙戌六十年中有此十二年運氣相同皆天符也雖曰同氣不無偏勝亢害焉其太乙天符歲會等年另詳在後

指

掌

圖



同天符同歲會圖



同天符同歲會者
 中運與在泉合其
 氣化也陽年曰同
 天符陰年曰同歲
 會如甲辰年陽土
 運而太陰在泉則
 為同天符癸卯年
 陰火運而少陰在
 泉則為同歲會共
 十二年

天符太乙天符歲會同天符同歲會謂

天符中運同天氣歲會本運臨本支四正四維皆歲會太乙天符符會俱同天符與同歲會泉同中運卽同司陰歲名曰同歲會陽年同天符所知

註

天符者謂中運與司天之氣同一氣也如木運木司天丁巳丁亥也火運火司天戊子戊午戊寅戊申也土運土司天己丑己未也金運金司天乙卯乙酉也水運水司天丙辰丙戌也共十二年歲會者謂本運臨本支之位也如本運臨卯丁卯年也火運臨午戊午年也金運臨酉乙酉年也水運臨子丙子年也此是四正土運臨四季甲辰甲戌

已丑己未也此是四維共八年太乙天符者謂天符之年
又是歲會是天氣運氣歲支三者俱會也如己丑己未中
運之士與司天土同氣又土運臨丑未也乙酉中運之金
與司天金同氣又金運臨酉也戊午中運之火與司天火
同氣又火運臨午也共四年同天符同歲會者謂在泉之
氣與中運之氣同一氣也以陽年名曰同天符如木運木
在泉壬寅壬申也土運土在泉甲辰甲戌也金運金在泉
庚子庚午也以陰年名曰同歲會如水運水在泉辛丑辛
未也火運火在泉癸卯癸酉癸巳癸亥也共十二年此氣
運符會之不同人不可不知也右天符十二年太乙天符

四年歲會八年同天符六年同歲會六年然太乙天符四年已同在天符十二年中矣歲會八年亦有四年同在天符中矣合而言之六十年中只得二十八年也

執法行令貴人譌

天符執法犯司天歲會行令犯在泉太乙貴人犯天地速危徐持暴死占二火相臨雖相得然有君臣順逆嫌順則病遠其害小逆則病近害速纏

註

邪之中人在天符之年名曰中執法是犯司天天氣天陽也陽性速故其病速而危也邪之中人在歲會之年名曰中行令是犯在泉地氣地陰也陰性徐故其病徐而持也

邪之中人在太乙天符之年名曰中貴人是犯司天在泉
之氣天地之氣俱犯故其病暴而死也二火君火相火也
雖同氣相得然有君臣順逆之嫌不可不知也君火君也
相火臣也二火相臨謂司天加臨中運六步客主加臨君
火在上相火在下爲君臨臣則順順則病遠其害小也相
火在上君火在下爲臣犯君則逆逆則病近其害速也







南 北 政 圖



此圖之中心為君
 外圍之字為政
 內圍之字為日
 申日乙庚丙辛丁壬
 甲乙丙丁戊己庚辛

南政年不應圖






應不寸兩



應不尺兩

北政年脈不應圖

應不寸兩



應不尺兩

南北二政 𧇗不應歌

天地之氣行南北甲巳一運南政年其餘四運俱爲北少陰隨在不應占北政反診候不應姑存經義待賢叅從違非失分微甚尺反陰陽交命難

註

天地之氣謂三陰三陽司天在泉左間右間之客氣也客氣行南政之歲謂之南政行北政之歲謂之北政南政之歲惟甲巳一運其餘乙庚丙辛丁壬戊癸四運俱爲北政之年也少陰隨在不應占者謂少陰君火客氣隨在司天在泉左間右間加臨之位主占其𧇗不應於診也應於診者卽經曰少陰之至其𧇗鉤不應者謂𧇗不鉤也南政之

年少陰司天則主占兩寸不應在泉則主占兩尺不應厥
陰司天其天左間則少陰主占右寸不應太陰司天其天
右間則少陰主占左寸不應厥陰在泉其泉左間則少陰
主占左尺不應太陰在泉其泉右間則少陰主占右尺不
應此皆在客氣少陰之位也北政之年則反診候其不應
皆在客氣陽明之位如少陰司天則主占兩尺不應在泉
則主占兩寸不應厥陰司天其天左間則少陰主占左尺
不應太陰司天其天右間則少陰主占右尺不應厥陰在
泉其泉左間則少陰主占右寸不應太陰在泉其泉右間
則少陰主占左寸不應然南政十二年北政四十八年其

南政候以正診北政候以反診應與不應之理熟玩經文
總令人難解姑存經義以待後之賢者參詳可也不應之
部不應者則爲得其氣而和也不應之部反應者則爲違
其氣而病也應左而右應右而左者則爲非其位應上而
下應下而上者則爲失其位皆主病也而有微甚之別甚
者卽尺寸反陰陽交也謂少陰之脈當寸不應反見於尺
當尺不應反見於寸是爲尺寸反子午卯酉年有之少陰
之脈當左不應反見於右當右不應反見於左是爲陰陽
交辰戌丑未寅申巳亥年有之皆主死故曰命難也

五運氣令微甚歌

運識寒熱溫涼正氣審加臨過及平六氣大來皆邪化五運失和災病生微甚非時卒然至看與何時氣化并更與年虛月空遇重感於邪證不輕

註

運五運也主四時在天則有寒熱溫涼之正令在地則有生長收藏之正化氣六氣也主六步在主則有風熱火濕燥寒一定之常候在客則有六氣加臨太過不及平和之異應也凡五運六氣之來應時而至無微甚而和者皆為平氣也即應時而至或六氣大來或五運微甚或至非其時或卒然而至皆邪化失和不平之氣主害物病人也但看與何時之氣化與病同并則當消息其空而主治也若

犯之而病者更與不及之年廓空之月重感於邪則其證必重而不輕也

五運平氣太過不及

木曰敷和火升明土曰備化金審平水曰靜順皆平運太過木運曰發生火曰赫曦土敦阜水曰流衍金堅成不及委和伏明共卑監從革涸流名

註太過被抑不及得助皆曰平運木名敷和敷布和氣生萬物也火名升明陽性上升其德明也土名備化土母萬物無不化也金名審平金審而平無妄刑也水名靜順體靜性順喜安瀾也甲丙戊庚壬陽年皆曰太過之運木名發

生木氣有餘發生盛也火名赫曦炎陽光盛也土名敦阜敦厚高阜土尤盛也金名堅成堅則成物金有餘也水名流衍水氣太過流漫衍也乙丁巳辛癸陰年皆曰不及之運木名委和和氣委弱發生少也火名伏明火德不彰光明伏也土名卑監土氣不及化卑監也金名從革金氣不及從火革也水名涸流水氣不及涸其流也

運氣所至先後時歌

應時而至氣和平正化承天不妄行太過氣淫先時至侮刑我者乘我刑不及氣迫後時至所勝妄行刑所生所生被刑受其病我所不勝亦來乘

註
應時而至謂交五運六氣之日之時正當其日其時而氣
卽至則爲正化平氣承天之令不妄行也如時未至而氣
先至來氣有餘則爲太過名曰氣淫卽邪化也刑我謂尅
我者也我刑謂我尅者也假如木氣有餘尅我之金不能
制我金反受木之侮則木盛而土受尅也必矣其年若見
肝病爲正邪見肺病爲微邪見脾病則爲賊邪也餘時法
此若時已至而氣未至來氣不足則爲不及名曰氣短亦
邪化也所勝謂我所勝卽我尅者也所生我所生者也所
不勝謂我所不勝卽尅我者也假如木氣不及我尅之土
無畏妄行則生我之水必受病也木衰金乘其衰亦來刑

木為病也其年若腎病為實邪見心病為虛邪見肺病則
賊邪也餘時法此推此可知二經三經兼病之理矣

運氣亢害承制歌

運氣亢則皆為害畏子之制敢不承因有承制則生化亢而無
制勝病生勝後子報母讐復被抑屈伏鬱病成鬱極乃發因子
弱待時得位自災刑

註

五運六氣太過而極則謂之亢亢則必害我所勝者也假
如木亢極則必害我之所勝之土土之子金隨起而制大
木畏承受其制則不敢妄刑彼母也五行有此承制之道
自相和順則生化不病矣假如木亢盛而無制則必生勝

病勝病者肝受病者脾二經同病也有勝必有復有盛必有衰自然之道也木盛而後必衰土之子金則乘衰必復勝母之讐是則更生復病也復病者肺受病者肝二經同病也餘藏法此若木不及則被金遏抑屈伏不伸而木鬱之病生也然被鬱極而乃發者蓋以木氣不及不能合子火旺故不能復也所以必待其已之得位時而後乃發也雖發而不爲他害但自爲災病亦由本氣弱耳故方其未發之時與勝病同勝病者肺鬱病者肝及其已發之時不復病肺惟病肝也餘藏法此此上文以太過釋勝不及釋鬱病非謂一歲之太過不及則分司之氣無勝復鬱病也

凡太過妄行害彼而病者皆勝病也受害子終不能復鬱而發病者皆鬱病也不及被抑而病者亦鬱病也被鬱待子來報母讐而病者皆復病也推此餘皆可通也

六氣勝復調

邪氣有餘必有復勝病將除復病萌復已又勝衰乃止有無微甚若權衡時有常位氣無必勝在天三復地終主客有勝而無復主勝客逆客勝從

註

六氣有勝則必有復陰陽循環之道也勝病將除復病即萌邪正進退之機也勝已而復復已又勝本無常數必待彼此氣衰乃止自然之理也有勝則復無勝則否勝微復

微勝甚復甚猶權衡之不相過也然勝復之動時雖有常位而氣無必也氣無必者謂應勝之年而無勝也時有常位者謂勝之時在前司天天位主之自初氣以至三氣此爲勝之常也復之時在後在泉地位主之自四氣以至終氣此爲復之常也所謂六氣互相勝復也若至六氣主客則有勝而無復也有勝而無復者以客行天令時去則已主守其位順承天命也主勝客則違天之命而氣化不行故爲逆客勝主則上臨下奉而政令乃布故爲從也

五運鬱極乃發歌

火土金鬱待時發
水隨火後木無恆
水發雹雪土飄驟
木發毀

折金清明火發曠昧有多少微者病已甚無刑木達火發金鬱
洩土奪水折治之平

註

五鬱之發各有其時火鬱待三氣火時而發土鬱待四氣
土時而發金鬱待五氣金時而發此各待旺時而發也水
鬱不待終氣水時而每發於二氣三氣二火時者以水陰
性險見陽初退即進乘之故不待水旺而發也木鬱之發
無一走之時者以水生風善行數變其氣無常故木發無
恒時也五發之時既已審矣然五發徵兆五氣微甚天時
民病不可不知也水發之徵微者爲寒甚爲雹雪雹雪寒
甚也土發之徵微者爲濕甚爲飄驟飄驟暴風雨也木發

之微微者爲風甚爲毀折毀折摧拔也金發之微微者爲燥甚爲清明清明冷肅也火發之微微者爲熱甚爲曠昧曠昧昏翳也多少者謂有大過不及也不及者病微大過者病甚微者病已謂本經白病也甚者兼刑謂兼我刑刑我者同病也如木氣甚我刑者土刑我者金土畏我乘來齊其化金畏我勝來同其化故三經兼見病也餘氣法此木達謂木鬱達之達者條達舒暢之義也凡木鬱之病風爲清歛也宜以辛散之疏之以甘調之緩之以苦涌之平之但使本氣條達舒暢皆治木鬱之法也火發謂火鬱發之發者發揚解散之義也凡火鬱之病爲寒束也宜以辛

溫發之以辛甘揚之以辛涼解之以辛苦散之但使火氣
 發揚解散皆治火鬱之法也金泄謂金鬱泄之泄者宣泄
 疎降之義也凡金鬱之病燥為火困也宜以辛宣之疏之
 潤之以苦泄之降之清之但使燥氣宣通疏暢皆治金鬱
 之法也水折謂水鬱折之折者逐導滲通之義也凡水鬱
 之病水為濕瘀也宜以辛苦逐之導之以辛淡滲之通之
 但使水氣流通不蓄皆治水鬱之法也土奪謂土鬱奪之
 奪者汗吐下利之義也凡土鬱之病濕為風阻也在外者
 汗之在內者攻之在上者吐之在下者利之但使土氣不
 致壅阻皆治土鬱之法也

天時地化五病二火歌

運氣天時地化同邪正通人五藏中五藏受邪生五病五病能
該萬病形熱合君火暑合相益以支同十二經雖分二火原同
理不無微甚重輕情

註

木火土金水五運之化不能外乎六氣風熱暑濕燥寒六
氣之化亦不能出乎五行故運雖有五氣雖有六而天之
氣令地之運化皆同也邪化正化之氣皆通乎人之五藏
之中正化養人邪化病人五藏受邪則生五藏之病五病
能該萬病情形謂主客一定之病主客錯雜之病及勝復
鬱病皆莫能逃乎五病之變猶夫天地化生萬物皆莫能

逃乎五行之屬也五行惟火有二在地爲火在天爲熱爲暑以熱合少陰爲君火暑合少陽爲相火蓋以地有陰陽十二支同乎人之陰陽十二經火雖有二理則一也故其德政令化灾病皆同然不無熱微病輕暑甚病重之情狀也

五星所見大過不及歌

五星歲木熒惑火辰水鎮土太白金不及減常之一二無所不勝色停勻大過北越倍一二畏星失色兼母云盛衰徐疾微順逆留守多少吉凶分

註

天之垂象莫先乎五星五星者木火土金水之五星也木

曰歲星居東方火曰熒惑星居南方水曰辰星居北方土
曰鎮星居西南金曰太白星居西方其主歲之星不大不
小不芒不暗不疾不徐行所行道守所守度此其常也若
五陰年是爲不及其星則減常之一不及之甚則減常之
二其光芒縮主歲之星其色兼我所不勝之色而見也如
木不及歲星青兼白色也火不及熒惑星紅兼黑色也土
不及鎮星黃兼青色也金不及太白星白兼紅色也水不
及辰星黑兼黃色也五陽年是爲太過其主歲之星北越
謂越出本度而近於北也北乃紫微之位太乙所居之宮
也故倍常之一太過之甚倍常之二其光芒盈主歲之星

其色純正畏我之星失其本色而兼生我之母色也假如
木太過畏我之星土星也失其本色之黃而兼生土之火
赤色也蓋以木盛而土畏必盜母氣爲助故兼母色見也
土兼赤色土又生子餘星倣此凡星當其時則當盛非其
時則當衰星遲於天爲順爲灾病輕星速於天爲逆爲灾
病重稽留不進守度日多則灾病重稽留不進守度日少
則灾病輕故曰吉凶分也

五行德政令化災變歌

木德溫和政舒啟其令宣發化生榮其變烈風雲物飛其灾摧
拔殞落零

註
木主春故其德溫暖柔和也春氣發故其政舒展開啟也
春氣升故其令宣發也春主生故其化生榮也春主風故
其變烈風而雲物飛揚此風之勝也木勝不已則爲摧折
拔殞散落飄零之災也

火德彰顯化蕃茂其令爲熱政曜明其變災烈水泉涸其災焦
灼萎枯形

註
火主夏故其德彰著昭顯也夏主長故其化蕃秀茂盛也
夏陽盛故其令熱也夏陽外故其政光明顯曜也夏主熱
故其變炎光赫烈而水泉乾涸此熱之勝也火勝不已則
爲萬物焦灼章萎木枯之災也

土德溽蒸政安靜其合雲雨其化豐其變陰埃震驟注其灾霖
兩岸堤崩

註

土主長夏故其德溽蒸熱也土主靜故其政安靜也長夏
氣濡故其合雲雨也土氣厚故其化萬物豐備也長夏主
濕故其變陰晦烟埃震雷驟注暴雨此濕之勝也土勝不
已則為久霖霖雨潰岸崩堤之灾也

金德清潔政勁切其化繁斂合露膏其變肅殺霜早降其灾蒼
乾草木凋

註

金主秋故其德清涼皎潔也秋氣肅故其政肅勁齊切也
秋主收故其化繁收斂縮也秋主露故其合露膏萬物也

秋主燥故其變肅寒早霜殺物此燥之勝也金勝不已則
爲蒼枯草木凋零之災也

水德淒滄政堅肅其化清謐其令寒其變凜冽寒太甚其災冰

雹霜雪連

註

水主冬故其德淒滄而寒也冬氣固故其政堅凝肅勁也
冬主藏故其化清冷靜謐也冬主寒故其變凜冽寒氣太
盛此寒之勝也水勝不已則爲冰雪霜雹之災也

五行地化蟲畜穀果有太過不及齊兼化歌

木主化毛犬麻李火主羽馬麥杏饒土主化倮牛稷棗金主化
介雞稻桃水主化鱗蠃豆粟得氣皆育失蕭條太過齊化我尅

我不及兼化尅皆苞

註

蟲者毛羽介鱗也鱗爲毛蟲之長而諸毛皆橫生故屬木也鳳爲羽蟲之長而諸羽皆翔升故屬火也人爲倮蟲之長而諸倮物皆具四肢故屬土也龜爲介蟲之長而諸介皆甲堅固故屬金也龍爲鱗蟲之長而諸鱗皆生於水故屬水也次則其畜犬其穀麻其果李皆木化也其畜馬其穀麥其果杏皆火化也其畜牛其穀稷其果棗皆土化也其畜鷄其穀稻其果桃皆金化也其畜彘其穀豆其果粟皆水化也凡此五化之物得其氣之和則皆蕃育失其氣之和則皆蕭條而不育也太過齊化謂我所化之物與

尅我者所化之物皆育也 假如木太過毛蟲犬畜麻穀李
果木化之類育而介蟲鷄 畜稻穀桃果金化之類亦育蓋
太過則氣盛所不勝者來 齊其化也其餘太過之化倣此
不及兼化謂尅我者我尅 之者皆茂育也假如木不及尅
我之金其蟲介其畜雞其 穀稻其果桃皆化育也蓋不及
則氣衰尅我者我畏之我 尅者不畏我來兼其化也其餘
不及之化倣此苞者茂也

運氣爲病歌

五運六氣之爲病名異情同氣 質分今將二病歸爲一免使醫
工枉費心

註

五運六氣之為病雖其名有木火土金水風暑濕燥寒之異而其實為病之情狀則同也今將木運之病風氣之病火運之病暑氣之病土運之病濕氣之病金運之病燥氣之病木運之病寒氣之病總歸為一病不使初學醫工枉費心思而不得其頭緒也

諸風掉眩屬肝木諸暴強直風所因支痛輒戾難轉側裏急筋縮兩脇疼

註

在天為風在地為木在人為肝在體為筋風氣通於肝故諸風為病皆屬於肝木也掉搖動也眩昏運也風主動旋故病則頭身搖動目昏眩運也暴卒也強直筋病強急不

柔也風性勁急風入於筋故病則卒然筋急強直也其四肢拘急疼痛筋輒短縮而戾失常難於轉側裏急脇痛亦皆風傷其筋轉入裏病也

諸痛癢瘡屬心火諸熱昏瘖躁譫狂暴注下迫嘔酸苦膺背微痛血家殃

註

在天爲熱在地爲火在人爲心在體爲脈熱氣通於心故諸火痛癢瘡之病皆屬於心火也熱微則燥皮作癢熱甚則灼膚作痛熱入經脈與血凝結淺則爲癰深則爲疽更深入之則傷藏府心藏神熱乘於心則神不明故昏盲不省人事也心主言熱乘於心則神不辨故瘖而不能言或

不身醫全金卷三十一
三十一
妄言而譫語也火主動熱乘於身則身動而不寧故身躁
擾動甚則發狂也暴注者卒暴水瀉火與水爲病也下迫
者後重裏急火與氣爲病也嘔吐酸苦火病胃也膺背徹
痛火傷胸也血家殃者熱入於脈則血滿騰不上溢則下
瀉而爲一切失血之病也

諸濕腫滿屬脾土霍亂積飲痞閉疼食少體重肢不舉腹滿腸
鳴殮泄頻

註

在天爲濕在地爲土在人爲脾在體爲肉濕氣通於脾故
諸濕爲病皆屬於脾土也濕畜內外故肉腫腹滿也飲亂
於中故病霍亂也脾失健運故病積飲也脾氣凝結故病

痞硬便閉而痛也脾主化穀病則食少也脾主肌肉濕勝故身重也脾主四肢四肢不舉亦由濕使然也脾主腹濕淫腹疾故腹滿腸鳴飧泄也

諸氣臏痿肺金喘咳痰血氣逆生諸燥澁枯涸乾勁皴揭皮膚肩臂疼

註

在天為燥在地為金在人為肺在體為皮燥氣通於肺故諸燥氣為病皆屬於肺金也臏謂氣逆胸滿臏鬱不舒也痿謂肺痿咳嗽唾濁痰涎不已也喘咳氣逆唾痰涎血皆肺病也凡澁枯涸乾勁皆燥之化也乾勁似乎強直皆筋勁病也故卒然者多風入而筋勁也久之者多枯燥而筋

勁也皴膚皴澁也揭皮揭起也此燥之病乎外也臂痛肩痛也亦燥之病於經也

諸寒收引屬腎水吐下腥穢澈清寒厥逆禁固骨節痛癢痕癩疝腹急堅

註

在天爲寒在地爲水在人爲腎在體爲骨寒氣通於腎故諸寒氣爲病皆屬於腎水也收斂也引急也腎屬水其化寒斂縮拘急寒之化也熱之化吐下酸苦故寒之化吐下腥穢也熱之化水液渾濁故寒之化澄澈清冷也厥逆四肢冷也禁固收引堅勁寒傷於外則骨節痛也寒傷於內則癢痕癩疝腹急堅痛也

五運客運太過為病歌

風氣大行太過木脾土受邪苦腸鳴飧泄食減腹支滿體重煩
冤抑氣升雲物飛揚草木動搖落木勝被金乘甚則善怒顛眩
冒脇痛吐甚胃絕傾

註

上文統論主運主氣為病此詳言五運客運主之病也
歲木太過六壬年也或歲土不及六巳年也木太過則特
強乘土土不及則母弱而金衰無以制木而木亦來乘土
故木氣盛則風氣大行為木太過之化在人則脾土受邪
為病苦腸鳴飧泄食少腹滿體重煩冤煩冤者謂中氣抑
鬱不伸故也在天則有雲物飛揚之變在地則有草木動

搖之化木勝不已而必衰衰則反被金乘有凋隕搖落之
復也故更見善怒顛疾眩冒脇痛吐甚之肝脾病也胃絕
傾者謂胃土衝陽之脈絕而不至是爲脾絕故主命傾也
暑熱大行太過火肺金受邪喘咳疴氣少血失及病瘧注下咽
乾中熱多燔炳物焦水泉涸冰雨寒霜水復過甚則譫狂胸背
痛太淵脈絕命難瘥

註

歲火太過六戊年也或歲金不及六乙年也火太過則火
恃強而乘金金不及則母弱而水衰無以制火而火亦乘
金故火氣盛則暑熱大行爲火太過之化在人則肺金受
邪其爲病喘而咳嗽氣少不足息血失而顏色瘁及瘧疾

注下火瀉咽乾中熱也在天則有燔炳炎烈沸騰之變在地則有物焦槁水泉涸之化火勝不已而必衰衰則反被水乘有雨冰雹早霜寒之復也故更見譫語狂亂胸背痛之心肺病也太淵肺脈也肺金之脈絕而不至是為肺絕故主病難愈也

雨濕大行太過土腎水受邪腹中疼體重煩寃意不樂雨濕河衍涸魚生風雨土崩鱗見陸腹滿溘瀉苦腸鳴足痿痠痛並飲滿太谿腎絕命難存

註

歲土太過六甲年也歲水不及六辛年也土太過則土恃強而乘水水不及則母弱而木衰無以制土而土亦乘水

故土氣盛則雨濕大行爲土太過之化在人則腎水受邪其爲病四肢冷厥腹中痛體重煩寃意不樂也在天則有雨濕數至之變在地則有河衍涸澤生魚之化濕勝不已而必衰衰則反被木乘有風雨大至土崩鱗見於陸之復也故更見腹滿溏瀉腸鳴足痿痠痛飲滿之脾胃病也太谿腎脈也腎水之脈絕而不至是爲腎絕故曰主命難存也清燥大行太過金肝木受邪耳無聞脇下少腹目赤痛草木凋隕焦槁屯甚則胸膈引背痛肱脇何能反側身喘咳氣逆而血溢太衝脈絕命難生

註

歲金太過六庚年也歲木不及六丁年也金太過則金恃

強而乘木木不及則母弱而火衰無以制金而金亦乘木
故金氣盛則清燥大行為金太過之化在人則肝木受邪
其為病耳聾無聞脇下痛少腹痛目眚赤痛也在天則有
清燥肅殺之變在地則有草木凋隕之化燥勝不已而必
衰衰則反被火乘有蒼乾焦槁之復也故更見胸膈引背
肱脇疼痛不能轉側喘咳氣逆失血之肝肺病也太衝肝
脈也肝木之脈絕而不至是為肝絕故主命難生也

寒氣大行太過水邪害心火熱心煩躁悸譫妄心中痛天冰霜
雪地裂堅埃霧濛鬱寒雨至甚則腫咳病中寒腹滿澹鳴食不
化神門脈絕死何言

註
歲水太過六丙年也歲火不及六癸年也水太過則水恃
強而乘火火不及則母弱而土衰無以制水而水亦乘火
故水氣盛則寒氣大行爲水太過之化在人則心火受邪
其爲病心煩躁悸譫語妄言心中熱痛也在天則有雨冰
霜雪之變在地則有凍裂堅剛之化寒勝不已而必衰衰
則反被土乘有埃霧朦鬱不散寒雨大至之復也故更見
腫喘中寒腹滿澹瀉腸鳴飲食不化之腎脾病也神門心
脈也心火之脈絕而不至是爲心絕故主死也

六氣客氣主病歌

少陰司天熱下臨肺氣上從病肺心燥行於地肝應病燥執爻

加民病生喘咳血溢及血瀉寒熱孰嚏涕流頻瘡瘍目赤噤乾
腫厥心脇痛苦呻吟

註

上文統論主運主氣爲病此則詳言六氣客氣當主之病也少陰君火司天子干歲也火氣下臨金之所畏故肺氣上從而病肺心也凡少陰司天則陽明燥金在泉故燥行於地而病肝也是則知燥熱交加民病喘咳血上溢血下泄寒熱孰寒噴嚏流涕瘡瘍目赤噤乾腫痛心痛脇痛皆其證也

太陰司天濕下臨腎氣上從病腎陰寒行於地心脾病寒濕交攻內外淫民病身重足跗腫霍亂痞滿腹脹臄肢厥拘急脚下

痛少腹腰疼轉動屯

註

太陰濕土司天丑未歲也濕氣下臨水之所畏故腎氣上從而病腎陰也凡太陰司天則太陽寒水在泉故寒行於地而病心脾也是知寒濕內外交攻民病身重足跗腫霍亂痞滿腹脹四肢厥逆拘急脚下痛少腹痛腰疼難於動轉皆其證也

少陽司天火下臨肺氣上從火形金風行於地肝木勝風火爲災是乃因民病熱中欬失血目赤喉痺齲眩瞶瘡瘍心痛瞶瘵胃暴死皆因臣犯君

註

少陽相火司天寅申歲也火氣下臨金之所畏故肺氣上

從而病肺也凡少陽司天則厥陰風木在泉故風行於地木勝則病在肝是則知風火爲災民病熱中欬而失血目赤喉痺耳聾眩暈瘡瘍心痛睏動瘕瘕昏盲皆其證也暴死者是三之客氣相火加臨君火以臣犯君故也

陽明司天燥下臨肝氣上從病肝筋熱行於地心肺害清燥風熱互交侵民病寒熱咳臍鬱掉振筋痿力難伸煩冤脇痛心熱痛目痛背紅小便練

計

陽明燥金司天卯酉歲也燥氣下臨木之所畏故肝氣上從而病肝筋也凡陽明司天則少陰君火在泉故熱行於地而病肺心也是則知清燥風熱交侵民病寒熱而咳胸

鬱臏滿掉搖振動筋痿無力煩冤抑鬱不伸兩脇心中熱痛目痛皆紅小便絳色皆其證也

太陽司天寒下臨心氣上從病脈心濕行於地脾肉病寒濕熱內去推尋民病寒中終反熱癰疽火鬱病纏身皮痺肉苛足痿軟濡瀉滿腫乃濕根

註

太陽寒水司天辰戌歲也寒氣下臨火之所畏故心氣上從而病心脈也凡太陽司天則太陰濕土在泉故濕行於地而病脾肉也是則知寒濕熱氣相合民病始爲寒中終反變熱如癰疽一切火鬱之病皮痺痺而重著肉苛不用不仁足痿無力濕瀉腹滿身腫皆其證也

厥陰司天風下臨脾氣上從脾病生火行於地冬溫化風火寒
濕爲病民耳鳴掉眩風化病支滿腸鳴飧瀉頻體重食減肌肉
痿溫厲爲災火化淫

註

厥陰風木司天己亥歲也風氣下臨土之所畏故脾氣上
從而病脾也凡厥陰司天則少陽相火在泉故火行於地
而病溫也是則知風火寒濕雜揉民病耳聾振掉眩運腹
滿腸鳴完穀不化之瀉體重食減肌肉痿瘦皆其證也

運氣當審常變歌

未達天道之常變反謂氣運不相應既識一定之常理再審不
定變化情任爾百千雜合病要在天時地化中知其要者一言

畢不得其旨散無窮

註

近世醫者皆謂五運六氣與歲不應置而不習是未達天道之常變也時之常者如春溫夏熱秋涼冬寒也日之常者早涼午熱暮溫夜寒也時之變者春不溫夏不熱暑不蒸秋不涼冬不寒也日之變者早溫午寒暮涼夜熱也但學醫者欲達常變之道當先識一定主客之理次審不定變化卒然之情然後知百千雜合之氣爲病俱莫能逃天時地化之理也雖或有不應亦當審察與天時何時地化何化人病何病相同卽同彼時彼化彼病而施治之乃無差謬此知其要者一言而終也爲醫者可不於運氣中一

加意耶

衝陽諸脈穴位

衝陽穴在足跗上五寸去陷骨二寸骨間動脈

太淵穴在掌後內側橫紋頭動脈中

太谿穴在足內踝後五分跟骨上動脈陷中

太衝穴在足大指本節二寸間動脈應手陷中

神門穴在掌後銳骨端陷中

附衝陽諸脈穴圖

附 衝 陽 諸 脈 穴 圖



御纂醫宗金鑑卷三十六

編輯傷寒心法要訣目錄

傷寒傳經從陽化熱從陰化寒原委

太陽風邪傷衛脈證

太陽寒邪傷營脈證

風寒營衛同病脈證

誤服三湯致變救逆

三陽受病傳經欲愈脈證

陽明表病脈證

陽明熱病脈證

陽明府病衄證

陽明慎汗慎清慎下

少陽衄證

少陽或病柴胡湯加減法

少陽禁汗禁吐禁下

少陽可吐可汗可下

三陽合病併病

三陰受病傳經欲愈衄證

太陰陰邪衄證

太陰陽邪衄證

太陰陽明表裏同病

少陰陰邪衄證

少陰陽邪衄證

少陰太陽表裏同病

厥陰陰邪衄證

厥陰陽邪衄證

少陰厥陰外熱裏寒衄證

兩感

汗下失空致變壞證

表證

裏證

陽證

陰證

陽盛格陰

陰盛格陽

陽毒

陰毒

少陰病利下重

太陰病腹脹

御纂醫宗金鑑卷三十六

編輯傷寒心法要訣

傷寒一證仲景論中立二百九十七法一百一十二方神明變化可謂既詳且盡矣其治雜證也則有金匱要畧分門別類包舉該括無非示人以規矩準繩欲其觸類傍通以化變於無窮也但其辭旨古奧義蘊幽深條目繁多未易領會人多苦之茲特撮其要旨編爲詩訣俾學者便於熟讀默記融會貫通然後再玩味全書則易讀易解有會心之樂而無望洋之歎矣由此登堂入室將見二千年來大法微言昭如日月不致塵封庶幾於斯道不無小補云

爾

傷寒傳經從陽化熱從陰化寒原委

六經為病盡傷寒氣同病異豈期然推其形藏原非一因從類化故多端明諸水火相勝義化寒變熱理何難漫言變化千般狀不外陰陽表裏間

註

六經謂太陽陽明少陽太陰少陰厥陰也為病盡傷寒謂

六經為病盡傷寒之變化也氣同謂天之六氣感人為病

同也病異謂人受六氣生病異也豈期然謂不能預先期

其必然之寒熱也推其形藏原非一謂推原其人形之厚

薄藏之虛實非一也因從類化故多端謂人感受邪氣雖

一因其形藏不同或從寒化或從熱化或從虛化或從實化故多端不齊也明諸水火相勝義謂水勝則火滅火勝則水乾也化寒變熱理何難謂邪至其經或從陰化為寒或從陽變為熱即水火相勝從化之理何難明也漫言變化千般狀二句謂傷寒變化千般總不外乎陰陽表裏間也

太陽風邪傷衛脈證

中風傷衛脈浮緩頭項強痛惡寒風病即發熱汗自出鼻鳴乾嘔桂枝功

註
中風病名也傷衛謂風傷衛也脈浮緩謂中風脈也頭痛

項強惡寒惡風發熱汗自出鼻鳴乾嘔謂中風證也桂枝
功謂桂枝湯功能治中風虛邪也詳太陽上篇

太陽寒邪傷營証

傷寒傷營脈浮緊頭疼身痛惡寒風無汗而喘已未熱嘔逆麻
黃湯發靈

註

傷寒病名也傷營謂寒傷營也脈浮緊謂傷寒脈也頭疼
身痛惡寒惡風無汗而喘或已發熱或未發熱嘔逆謂傷
寒證也麻黃湯發謂傷寒實邪當與麻黃湯發汗最靈也

詳太陽中篇

風寒營衛同病証

中風浮緊徧身痛頭疼發熱惡寒風乾嘔無汗兼煩躁傷寒身
重乍時輕浮緩嘔逆無汗喘頭疼發熱惡寒風煩躁而無少陰
證營衛同病大青龍

註

中風謂風傷衛之病也頭疼發熱惡寒風惡寒乾嘔中風之
證也浮緊寒傷營之脈也身疼痛寒傷營之證也今以中
風之病而得傷寒之脈與證更兼不汗出之表實內熱之
煩躁也傷寒謂寒傷營之病也身重不痛乍有輕時風傷
衛之證也浮緩風傷衛之脈也嘔逆無汗而喘頭疼發熱
惡寒惡風寒傷營之證也是以傷寒之病而得中風之脈
與證更兼太陽無汗內熱之煩躁也而無少陰證謂無身

重但欲寐之證也營衛同病謂風寒中傷營衛同病也二證皆無汗實邪故均以大青龍湯發之詳太陽下篇

誤服三湯致變救逆

傷寒酒病桂勿與嘔吐不已血膿鮮尺遲服麻致漏汗惡風肢急小便難微弱汗風青龍發厥惕眩熱仍然身瞶振振欲擗地桂加附子真武痊

註

傷寒謂傷寒無汗之實邪也酒病謂病酒狀似中風也桂

勿與謂皆勿與桂枝湯也誤與傷寒則表氣愈固裏氣更

逆嘔吐不已也誤與酒病則濕熱內釀傷營吐血膿也此

皆誤用桂枝湯之變證當隨其變證治之可也尺遲謂傷

寒尺中脈遲也服麻黃湯發汗遂致汗出不止名
曰漏汗也肢急四肢拘急也小便難謂小便少而難也傷
寒脈證當用麻黃湯發汗若尺中脈遲是營氣不足不可
發汗若誤發之則致漏汗惡風四肢拘急小便難等變證
也當以桂枝加附子湯救逆可也微弱謂大青龍證脈微
弱也汗風謂大青龍證自汗惡風也大青龍證脈不浮緊
若浮緩而微弱反汗出是大青龍脈證未具也誤以大青
龍發之致其人厥冷筋惕心悸頭眩熱仍不退身肉瞤動
也振振欲擗地謂聳動不已不能興起欲墮於地也此皆
誤與大青龍湯發汗之變證當以真武湯救逆可也詳太

陽篇

三陽受病傳經欲愈衄證

傷寒一日太陽病欲吐煩躁數急傳陽明少陽證不見衄靜身
和爲不傳

証傷寒一日太陽受病二日陽明受病三日少陽受病此其
傳經之常也若初病頗欲吐煩躁衄數急者謂邪盛傳經
而不解也二三日陽明少陽證不見衄靜身無所苦者謂
邪衰不傳欲自愈矣

陽明表病衄證

葛根浮長表陽明緣緣面赤額頭疼發熱惡寒而無汗目痛鼻

乾臥不寧

註

太陽未罷又傳陽明太陽表邪怫鬱陽明肌熱為陽明經表病也葛根湯治陽明表病也浮長謂陽明之表脈也緣緣面赤連額頭疼發熱惡寒無汗目痛鼻乾臥不得寧皆謂陽明經之表證也用葛根湯解兩經之邪也詳陽明篇

陽明熱病脈證

白虎煩渴熱陽明汗出身熱脈長洪不惡寒兮反惡熱合柴葛見少陽經

註

太陽已罷而傳陽明不傳少陽亦未入府其熱漸深表裏

俱熱爲陽明經熱病也白虎熱陽明謂白虎湯主治陽明
熱病也脈長洪謂陽明之熱脈也煩躁口渴引飲汗出身
熱不惡寒反惡熱皆謂陽明經熱病之證也用白虎湯解
陽明表裏俱熱也陽明未罷又傳少陽亦陽明熱病也合
柴謂白虎合小柴胡湯治陽明經熱證兼見少陽經弦脈
寒熱往來口苦耳聾目眩而嘔胸脇痛之病也詳陽明少
陽篇

陽明府病脈證

胃實脈大府陽明大便難兮脾約同蒸蒸潮熱濺濺汗滿痛始
可議三承

註

衄太府陽明謂熱邪入府陽明當衄大也曰胃實曰大便
難曰脾約謂府病受邪之不同也脾約者太陽陽明也胃
實者正陽陽明也大便秘者少陽陽明也皆為可下之證
不無輕重之別然必蒸蒸潮熱身肢濇濇然汗出或滿或
痛始可議其微甚以三承氣湯麻仁丸下之可也詳陽明
篇

陽明慎汗慎清慎下

陽明表證反有汗桂枝加葛中風傳熱證無汗亡津液燥渴仍
從白虎痊胃實汗熱原應下惡寒浮緩表為先欲知定鞭識失
氣不轉微瀼下之冤舌滑尿白小便數便鞭休攻導自安小便

數多知便鞭無苦數少是津還

註

陽明表證應無汗反有汗是從風邪傳來仍從表治宜用桂枝加葛根湯陽明熱證應有汗反無汗是或吐或汗或下亾其津液若無燥渴則從表治若有燥渴仍從熱治宜用白虎湯胃實自汗潮熱原應下之若有惡寒浮緩之表宜先解表表解已乃可攻之欲知大便鞭定未定當少與小承氣湯轉失氣者已成定鞭當與大承氣湯攻之若不轉失氣者未成定鞭攻之必澹勿更與也若脈微濇者亦不可下下之則寃死也舌滑尿白裏熱微也雖小便數大便鞭其熱遠在廣腸亦不可下用密煎豬膽導法自可安

也凡小便數多知大便必鞭雖大便鞭而無或滿或痛之苦當審其小便日幾行日減數少是津液還於胃中慎不可攻不久必自大便出也詳陽明篇

少陽脈證

往來寒熱胸脇滿脈弦目眩而耳聾口苦默默不欲食心煩喜嘔少陽經或渴或欬身微熱或脇鞭痛腹中疼或悸不嘔尿不利舌胎滑白小柴宗

註

脈弦謂少陽病脈也往來寒熱胸脇滿目眩耳聾口苦默默不欲食心煩喜嘔少陽經主證也或渴或欬身微熱或脇鞭痛腹中疼或悸不嘔尿不利舌胎滑白者皆少陽或

有之證也中逆小柴胡湯主之隨證加減治之可也詳少

陽篇

少陽病用柴胡湯加減法

胸煩不嘔去參夏加藎若渴半易根腹痛去芩加芍藥心悸尿
秘芩易芩脇下痞鞭棗易蠟不渴微熱桂易參欬去參棗加乾
味小柴臨證要當斟

註

少陽經主證宜小柴胡湯主治也其或有之證務要臨證

斟酌加減可也若胸中煩而不嘔去半夏人參加栝藎實

若渴者以半夏易栝藎根若腹中痛去黃芩加白芍若心

下悸小便不利者加茯苓去黃芩若脇下痞鞭加牡蠣去

大棗若不渴外有微熱者去人參加桂枝微汗之若欬者
去人參大棗加乾薑五味子義詳少陽篇小柴胡湯下

少陽禁汗禁吐禁下

少陽三禁要詳明汗譫吐下悸而驚甚則吐下利不止水漿不
入命難生

註

三禁謂少陽禁吐禁汗禁下也若誤發汗則生譫語若誤
吐下則心悸而驚少陽經卽有心下鞭不可下下之甚則
下利不止卽有胸中滿不可吐吐之甚則水漿不入變成
危候命難生也詳少陽篇

少陽可吐可汗可下

胸滿熱煩梔子豉痞鞭衝喉瓜蒂平發熱惡寒肢煩痛微嘔支
結柴桂寧鬱鬱微煩嘔不止心下痛鞭大柴攻誤下柴胡證仍
在復與柴胡振汗生

註

上言其禁忌失宜也此言其可貴變通也胸滿煩熱太陽
少陽輕邪也宜梔子豉湯涌之胸滿痞鞭氣上衝喉不得
息者太陽少陽重邪也宜瓜蒂散吐之發熱惡寒四肢煩
疼微嘔心下支結太陽少陽表證也宜柴胡桂枝湯微汗
兩解之鬱鬱微煩嘔不止心下痛鞭少陽陽明表裏證也
宜大柴胡湯緩攻兩解之誤下不致變逆柴胡證仍在者
復與柴胡湯以和解之若解則必蒸蒸振汗出而解以下

後虛故也詳太陽少陽篇

三陽合病併病

合病兩三經同病併病傳歸併一經二陽合病滿喘發自利葛根嘔半同大小利芩嘔加半明少弦負順長生滑數宿食大承氣三陽合病腹膨膨口燥身重而譫語欲眠合目汗蒸蒸遺尿面垢參白虎浮大汗下禁當應二陽併病汗不徹面赤怫鬱大青龍表罷潮熱手足汗便難譫語大承攻太少頭項痛眩冒心下痞鞭如結胸禁汗吐下惟宜刺譫驚不食利多凶

註

一經未罷又傳一經二經三經同病而不歸併一經者謂之合病二經三經同病而後歸併一經自病者謂之併病

二陽謂太陽陽明也太陽則有頭痛發熱惡寒無汗陽明則有肌熱惡熱心煩不眠之證相合同病也滿喘謂二陽合病當下利不下利更加胸滿而喘宜麻黃湯發之自利謂二陽合病當有之證宜葛根湯也嘔半謂二陽合病不下利但加嘔者宜葛根湯加半夏也同謂二證同用葛根一方也太少謂太陽少陽合病也太陽則有頭痛發熱惡寒無汗少陽則有寒熱往來口苦耳聾目眩胸脇痛之證相合同病也利苓謂太陽少陽合病當自下利宜與黃芩湯也嘔加半謂太陽少陽合病不自利但加嘔者宜黃芩湯加半夏也若不嘔利而見太陽少陽之證非合病也宜

用柴胡桂枝湯兩解之明少謂陽明少陽兩經之證同見
下利合病也弦負弦爲少陽木脈木勝則土負負則死也
順長生長爲陽明土脈土盛則木不能災爲順順則生也
滑數謂陽明少陽合病下利黏穢者脈必滑數是宿食也
宐大承氣湯嘔酸苦者宐大柴胡湯三陽謂大陽陽明少
陽合病也腹膨膨謂腹脹滿也口燥謂口中乾燥也身重
謂身重難轉側也譫語謂妄亂言也欲眠謂喜睡也合目
汗蒸蒸謂合目出熱汗也遺尿謂失尿不知也面垢謂面
似有油垢也此皆三陽熱盛津液枯竭之證設使脈浮禁
不可汗脈大亦不可下惟宐用白虎加人參益氣生津清

熱可也若未經汗下津液未傷三陽合病輕證惟宜柴葛
解肌湯清解三陽可也二陽謂太陽陽明併病也汗不徹
謂邪在太陽發汗未徹又傳陽明也面赤謂邪猶怫鬱於
太陽陽明之心未併陽明之府宜大青龍湯解兩經之熱
也表罷謂太陽證罷也潮熱手足汗大便難譫語謂已歸
併陽明府也宜大承氣湯攻陽明實熱也太少謂太陽少
陽併病也頭項強痛目眩昏冒心下痞鞭如結胸證謂太
陽少陽二經之證尙未歸併其邪未定禁不可汗下惟宜
刺大椎肝膈肺膈以瀉其熱也若誤發汗則必發譫語若
誤吐下則必心煩而驚水漿不入下利不止變此惡候命

多凶也義詳合病併病篇

三陰受病傳經欲愈脈證

傷寒三日三陽盡熱微煩躁入陰傳其人能食而不嘔脈小尿清為不傳

註

傷寒三日三陽受邪為盡三陰當受邪其人身熱雖微而煩躁者謂邪去陽入陰不解也若其人反能食而不嘔脈靜小小便清謂邪未入於陰為不傳欲自愈也

太陰陰邪脈證

太陰陰邪沉遲脈吐食腹滿有時疼手足自溫利不渴理中湯主悸加苓腹滿去朮加附子吐多去朮加薑生雖吐下多還用

木渴欲得水倍木寧欲作奔豚木易桂乾薑寒倍參腹疼

註

太陰陰邪謂邪從陰化之寒證也。脈沉遲太陰陰邪。脈也。吐食腹滿時痛太陰裏寒證也。手足自溫邪入陰也。自利不渴藏無熱也。宜理中湯主之。若心下悸加茯苓腹滿去木加附子吐多去木加生薑雖吐若下利多還用白朮若渴欲得飲水仍倍加朮若臍下欲作奔豚去木易桂中寒倍加乾薑腹痛倍加人參詳太陰篇。

太陰陽邪脈證

陽邪嗌乾腹滿痛誤下時痛太實疼大承桂枝加芍大脈弱芍

大當審行

計陽邪謂太陰邪從陽化之熱證也嗑乾謂咽乾太陰熱也
腹滿痛太陰有餘證也誤下謂誤下邪陷太陰當分輕重
也時痛謂腹有時痛有時不痛宜桂枝加芍藥湯和之太
實痛謂腹大滿痛無時不痛宜桂枝加大黃湯下之兼陽
明胃實以大承氣湯下之若脈弱即當行大黃芍藥宜斟酌
減之以其人胃氣弱易動也詳太陰篇

太陰陽明表裏同病

腹滿時減復如故此是寒虛氣上從腹滿不減不大便轉屬陽
明乃可攻

註
腹滿時減減復如故謂腹時滿時不滿而減復如常此爲

太陰寒邪寒虛之氣上逆之滿乃可溫之證也宜厚朴生薑甘草半夏人參湯腹滿不減謂常常而滿終日不減或不大大便秘此為轉屬陽明實熱內壅之滿乃可攻之證也宜大承氣湯詳太陰篇

少陰陰邪脈證

少陰陰邪脈沉細背寒欲寐口中和咽痛腹痛骨節痛厥利清穀四逆瘧

註

少陰陰邪謂邪從陰化之寒證也脈沉細少陰陰邪之脈也背寒謂背惡寒陽氣虛也欲寐謂但欲寐陰氣盛也口中和口中不乾燥也咽痛腹痛下利清穀寒盛於中也骨

節疼痛四肢厥冷寒淫於外也宜四逆湯溫中散寒也詳少陰篇

少陰陽邪脈證

少陰陽邪沉細數口燥咽乾大承湯少陰心煩不得臥黃連阿膠是主方

註陽邪謂少陰邪從陽化之熱證也少陰病但欲寐陰邪則脈沉細無力陽邪則脈加數而有力矣始病卽口燥咽乾水不上升熱之甚也宜大承氣湯急下之瀉陽救陰也少陰病但欲寐二三日已上變生心煩不得眠是陽邪乘陰陰不能靜也宜黃連阿膠湯清陽益陰也詳少陰篇

少陰太陽表裏同病

少陰脈沉反發熱麻黃附子細辛湯若二三日無裏證減辛加
草用之良

註

少陰病脈沉為陰寒之證當無熱今反發熱是兼有太陽
表也宜麻黃附子細辛湯急溫而散之若二三日熱仍不
解亦無裏寒吐利之證去細辛易甘草緩溫而和之詳少
陰篇

厥陰陰邪脈證

厥陰陰邪微細厥膚冷藏厥躁難安囊縮舌短胎滑黑四逆當
歸四逆先少滿痛厥薑黃入虵厥靜而復時煩得食而嘔虵聞

臭煩因虵動烏梅圓

註

厥陰陰邪謂邪從陰化之寒證也微細厥陰陰邪脈也厥
謂四肢厥冷也膚冷謂肌膚冷也藏厥謂寒陰藏厥也躁
難安謂煩躁無有安時也囊縮謂外腎爲寒收引縮入腹
也婦人則乳縮陰收也舌短謂舌縮短也胎滑黑謂舌胎
不乾而色黑也四逆謂四逆湯也當歸四逆謂當歸四逆
湯也先者謂先服當歸四逆湯也少滿痛謂少腹滿按之
痛也厥謂厥冷也薑莢入謂當歸四逆湯加入吳茱萸生
薑也虵厥謂厥而吐虵也靜而復時煩謂煩時止時煩也
得食而嘔虵聞臭謂嘔因虵聞食臭而始嘔也煩因虵動

謂煩因虵動而始煩也烏梅圓虵厥謂宜用烏梅丸也詳

厥陰篇

厥陰陽邪脈證

陽邪熱厥厥而熱消渴熱氣撞心疼煩滿囊縮舌焦卷便鞭尙
任大承攻四逆不分四逆散欬加薑味下利同悸加桂枝腹痛

附下重薤白秘尿苔

註

陽邪謂厥陰邪從陽化之熱證也厥謂手足寒也厥而復

熱熱而復厥是為熱厥厥微熱微厥深熱深也消渴謂飲

水多而小便少也熱氣上撞心疼是火挾木邪而逆也煩

滿謂少腹煩滿也囊縮謂外腎為熱灼筋縮入腹也舌焦

卷謂舌胎乾焦而卷也便鞭謂大便鞭尙可任攻宜六承
氣湯四逆謂四肢厥冷也不分謂寒熱之厥疑似不分也
宜四逆散疏達厥陰其厥不回再審寒熱可也或欬加生
薑五味子下利亦加故曰同也心下悸加桂枝腹痛加附
子瀉利下重加薤白秘尿不利加茯苓詳少陰厥陰篇

少陰厥陰外熱裏寒脈證

少陰裏寒外熱證面赤身反不惡寒厥利清穀脈微絕通脈四
逆主之先利止參加脈不出葱入面色赤炎炎腹痛加芍咽結
梗嘔加聖藥用薑鮮

註

少陰裏寒外熱之證面赤不惡寒格陽外熱也四肢厥冷

石集醫宗金鑑卷三十一
下利清穀脈微欲絕陰極裏寒也宜通脈四逆湯主之服
四逆湯下利止脈仍不出加人參面色赤者加葱腹痛加
芍藥咽痛加桔梗嘔加生薑詳少陰篇

兩感

一日太陽少陰病頭痛口乾渴而煩二日陽明太陰病滿不欲
食身熱譫三日少陽厥陰病耳聾囊縮厥逆寒水漿不入神昏
冒六日氣盡命難全

註

兩感者藏府表裏同病也一日頭痛太陽也口乾煩渴少
陰也二日身熱譫語陽明也腹滿不欲食太陰也三日耳
聾少陽也囊縮而厥厥陰也傳經之邪其爲病也漸兩感

之邪其爲病也速蓋因陽邪酷烈正不能禦所以三日後
水漿不入六府之氣欲絕昏不知人五藏之神已敗而不
卽死者賴有胃氣未盡耳故又三日其氣乃盡而死張潔
古製大羌活湯以羌獨芩連輩辛甘以散太陽之表苦寒
以清少陰之熱施之於表裏不急者固爲得法也若夫一
日則頭痛口乾煩渴二日則身熱譫語腹滿不欲食三日
則耳聾囊縮而厥水漿不入昏不知人傳變如此迅速恐
用大羌活湯平緩之劑反失機宜當遵仲景治有先後之
說審其表裏孰急隨證治之猶或可活故於此證初病一
日表裏俱熱者依少陰病得之二三日口燥咽乾之法用

大承氣湯重劑以瀉陽邪之烈表裏俱寒者依少陰病始
得之反發熱脈沉之法用麻黃附子細辛湯以解陰邪之
急二日表裏俱實者依陽明病譫語有潮熱腹滿時減減
不足言之法用大承氣湯攻之表裏虛者依三陽合病腹
滿身重面垢譫語之法用大劑白虎加人參湯清之三日
表裏熱者依厥深熱亦深之法用大承氣湯下之表裏寒
者依脈微欲絕手足厥寒之法用當歸四逆加吳茱萸生
薑湯溫之緩則不及事矣其間頗有得生者後之學者其

留意焉

汗下失宜致變壞證

太陽三日已發汗若吐若下若溫鍼不解致逆成壞證觀其脈
證犯何經難辨陰陽六經證重困垂危莫可憑惟用獨參煎冷
服鼻上津津有汗生

註

太陽病三日已發汗不解若吐若下若溫鍼苟或相當卽
成解證如其不當不但病不解或因而致逆變成壞證當
觀其脈證知犯何經之逆如汗後亡陽渴躁譫語下後寒
中結胸痞嘔吐後內煩腹滿溫鍼後黃衄驚狂之類隨證
治之可也甚或脈微欲絕神昏不能言循衣摸床叉手冒
心等重困垂危難辨陰陽六經莫可憑之證此時此際惟
用人參煎湯徐徐冷服以待其機倘得鼻上津津有汗則

為可生之兆也

表證

表證宜汗太陽經無汗發熱惡寒風頭項強痛身體痛若出自汗表虛明

註

表證謂寒邪在表無汗發熱惡寒惡風頭項強痛身體痛也太陽經主表故曰表證有是證無汗者皆屬表實雖有是證若自汗出者皆屬表虛未可輕汗即有風邪祇宜桂枝湯解肌可也表實無汗重者麻黃湯主之輕者麻桂各半湯主之時有汗時無汗者桂枝二麻黃一湯主之表實躁熱甚者三黃石膏湯主之微者大青龍湯主之不躁有

熱者桂枝二越婢一湯主之以上表證不必悉具亦不論日之多寡但見有頭痛惡寒一二證卽爲表未罷雖有裏證當先解表表解已乃可攻之臨證者不可不詳辨也詳

太陽篇

裏證

裏證宜下不大便惡熱潮熱汗蒸蒸燥乾譫語滿鞭痛便澹爲虛不可攻

註裏證謂熱邪內結不大便惡熱潮熱自汗蒸蒸口燥舌乾

譫語腹滿鞭痛也陽明府主裏故曰裏證裏實者有脾約有胃實有大便難三者均爲可下之證然不無輕重之別

三承氣湯脾約丸量其可者而與之庶乎無過也若便溏
爲裏虛卽有是證不可攻也論中有急下數證不待便實
而下之者是下其熱也非下其結也義詳陽明少陰篇

陽證

陽證身輕氣高熱目睛了了面脣紅熱煩口燥舌乾渴指甲紅
兮小便同

註

陽證謂陽熱之證也不論三陰三陽凡見是證者均爲陽
熱有餘也陽主動故身輕也陽氣盛故氣高而喘也陽主
熱故口鼻氣熱也陽主寤故目睛了了而不眠也目睛不
了了亦有熱極朦朧似不了了然必目赤多眵非若陰證

之不了了而神短無光也陽氣熱故身熱面唇紅指甲紅也陽熱入裏故心煩口燥舌乾而渴小便紅也表實者三黃石膏湯發之裏實者三承氣湯下之表裏不實而熱盛者白虎解毒等湯清之可也詳三陽篇

陰證

陰證身重息短冷目不了了色不紅無熱欲臥厥吐利小便白兮爪甲青

註

陰證謂陰寒之證也不論三陰三陽凡見是證者均爲陰寒不足也陰主靜故身重也陰主寐故目不了了但欲臥也陽氣虛寒故息短口鼻氣冷也陰淫於外故面無紅色

四肢厥冷爪甲青也陰邪入內故嘔吐下利清穀小便清白也以上皆三陰寒證臨證者以附子四逆理中吳茱萸等湯擇其宜而與之可也詳三陰篇

陽盛格陰

陽盛格陰身肢厥惡熱煩渴大便難沉滑爪赤小便赤汗下清宜陰自完

註

經曰陽氣太盛陰氣不得相營也不相營者不相入也既不相入則格陰於外故曰陽盛格陰也其外證雖身肢厥冷頗似陰寒而內則煩渴大便難小便赤惡熱不欲近衣爪甲赤脈沉滑一派陽實熱證汗下清三法得宜則陽得

以消陰得以完全也表實無汗三黃石膏湯裏實不便三承氣湯熱盛無表裏證宜解毒白虎湯

集註

劉完素曰蓄熱內甚脈須疾數以其極熱蓄甚而脈道不利反致脈沉細欲絕俗未明造化之理反謂傳爲寒極陰毒者或始得之陽熱暴甚而便有此證候者或兩感熱甚者通宜解毒加大承氣湯下之後熱稍退而未愈者黃連解毒湯調之或微熱未除者涼膈散調之或失下熱極以至身冷脈微而昏冒將死若急下之則殘陰暴絕必死蓋陽後竭而然也不下亦死宜涼膈散或黃連解毒湯養陰退陽積熱漸以消散則心胸再暖而脈漸以生也

陰盛格陽

陰盛格陽色淺赤發熱不渴厥而煩下利尿清爪青白浮微通
脈復陽還

註

經曰陰氣太盛陽氣不得相營也不相營者不相入也既
不相入則格陽於外故曰陰盛格陽也色淺赤謂面色見
浮淺之紅赤色也其外證面赤發熱而煩頗頰陽熱其內
則不渴下利清穀小便清白爪甲青白四肢厥冷脈浮微
欲絕一派陰寒虛證空通脈四逆湯冷服之從其陰而復
其陽也利止脈不出加倍人參下利無脈宜白通加豬膽
汁人尿湯厥煩欲死宜吳茱萸湯

陽毒

陽毒熱極失汗下舌卷焦黑鼻煤烟昏噤發狂如見鬼咽疼唾
血赤雲斑六七日目前尚可治表裏俱實黑奴丸熱盛解毒裏實
下表實三黃石膏煎

註陽毒謂陽熱至極之證也失汗下謂應汗不汗應下不下
失其汗下之時也熱毒炎炎不已故舌卷焦黑鼻內生煤
烟也熱毒內攻乘心故神昏噤慄發狂如見鬼神咽疼唾
血也熱毒外薄肌膚故發赤色如錦雲之斑也六七日目前
謂日淺毒未深入故尚可治表裏俱實謂有是證無汗不
大便者宜黑奴丸兩解之無表裏實證熱盛者宜黃連解

毒湯兼燥渴者合白虎湯清之裏實不便者宜解毒承氣湯下之表實無汗者宜三黃石膏湯發之

陰毒

陰毒寒極色青黑咽痛通身厥冷寒重強身疼如被杖腹中絞痛若石堅或嘔或利或煩躁或出冷汗溫補先無汗還陽還陰汗急灸氣海及關元

計

陰毒謂陰寒至極之證也血脈受陰毒邪故面色青黑也

陰毒內攻於裏故咽痛腹中絞痛也陰毒外攻於表故厥冷通身重強疼痛如被杖也獨陰無陽不化故陰凝腹若石之堅硬也或嘔吐或下利或煩躁或冷汗出皆陽虛不

足或有之證均以溫補爲先空四逆湯倍加人參若有是
證其人無汗空還陽散退陰散溫而汗之使寒毒散而陽
伸也凡遇此證俱空急灸氣海關元二三百壯隨服藥餌
未有不生者也

未育不坐浴出

之

也

血

幹由凡散此盜其空急灸

額其人無我空散期短其

致如音之結以以區斷

御纂醫宗金鑑卷三十七

編輯傷寒心法要訣目錄

表熱裏熱陰熱陽熱

惡寒背惡寒辨

惡風

頭痛

項強

身痛

煩躁不眠懊憹

自汗頭汗

手足汗

潮熱時熱

讖語鄭聲

渴證

舌胎

胸脇滿痛

嘔證

往來寒熱如瘧寒熱

目眩耳聾

腹滿痛

吐證

熱利寒利

但欲寐

陰陽咽痛

氣上衝

饑不欲食

手足厥逆

少腹滿痛

神昏狂亂畜血發狂

循衣摸牀

太陽陽邪停飲

太陽陰邪停飲

少陰陽邪停飲

少陰陰邪停飲

喘急短氣

心下悸

戰振慄

呃逆噦噫

結胸

發黃

衄血

大小便膿血

狐惑

熱入血室

房勞復陰陽易

痞鞭

疹斑

吐血

頤毒

百合

食復勞復

氣樂奇劍題長

燕人血室

脈滯 石亂商血發狂

大小野艷血飲

血血 邪傳飲

發黃 氣

餘飢

鐵不飲食

食必飽野

百合 水

酒黃 邪傳飲

吐血 邪傳飲

寒斑 汗

散睡 心

御纂醫宗金鑑卷三十七

編輯傷寒心法要訣

表熱裏熱陰熱陽熱

發熱無時熱翕翕炊籠騰越熱蒸蒸表熱尿白裏熱赤外需麻
桂內涼承燥乾煩渴爲陽熱厥利外熱屬陰經陽熱宜清白虎
蜚陰熱四逆與白通

註

發熱無時熱翕翕謂發熱無休止之時若合羽外覆之表
熱也炊籠騰越熱蒸蒸謂發熱如炊籠蒸蒸內越之裏熱
也表熱熱不在裏故尿白也裏熱故尿赤也外需麻桂謂
表熱無汗宜麻黃湯有汗宜桂枝湯內涼承謂裏熱輕者

宜涼膈散重者宜三承氣湯發熱兼口燥舌乾煩渴者爲
陽經之熱也發熱兼厥冷下利清穀者屬陰經之熱也陽
熱宜清白虎解毒輩也陰熱宜溫四逆白通湯也

按

翕翕蒸蒸發熱俱有汗二證相類若以翕翕之表熱誤爲
蒸蒸之裏熱下之則逆若以蒸蒸裏熱誤爲翕翕表熱汗
之轉傷翕翕之汗熱雖同蒸蒸之自溫不似蒸蒸之汗
熱捫之自有熱氣透手也其間或有疑似難辨又當審小
便之白赤舌胎之潤燥自可決也

惡寒背惡寒辨

惡寒表裏陰陽辨發熱有汗表爲虛發熱無汗表實證實以麻

黃虛桂枝無熱惡寒發陰裏桂枝加附頗相宜背寒口和陰附
子口燥渴陽白虎需

註

惡寒一證有表裏陰陽之辨發熱惡寒發於陽表也有汗
宜桂枝湯無汗宜麻黃湯無熱惡寒發於陰裏也有汗宜
桂枝加附子湯無汗宜麻黃附子細辛湯背惡寒口和謂
口中不燥而和也陰謂屬少陰也宜附子湯背惡寒口燥
渴謂口中燥而渴也陽謂屬陽明也宜白虎加人參湯

按

陰陽二經惡寒雖同其身有熱無熱則異也一則汗之二
則溫之少陰陽明之背惡寒雖同其口中和口中不和則
異也一則溫之一則清之惡寒雖屬輕微之證仲景立法

可辨他可類推矣

惡風

風寒相因相離少三陽俱有惡寒風惡風屬陽法從表三陰惡寒無惡風

註

風寒二者大率多相因而少相離有寒時不皆無風有風時不皆無寒故三陽俱有惡寒惡風同見也惡風與惡寒均表病也法當從表然風屬陽寒屬陰故三陰經證有惡寒而無惡風也

頭痛

三陽頭痛身皆熱無熱吐沫厥陰經小便尿紅當議下尿白猶

屬表未清

註

三陽謂太陽陽明少陽也頭痛身皆熱謂三陽頭痛身皆熱也三陽經頭痛法當從三陽治也厥陰頭痛則多厥而無熱嘔吐涎沫是厥陰挾寒邪上逆也宜吳茱萸湯溫而降之三陽頭痛苦不大便小便紅赤爲裏實熱法當議下宜承氣湯若小便清白卽不大便爲裏熱未實表尙未清法當先從表治也三陰經無頭痛惟厥陰有頭痛以其脈與督脈上會於巔也三陰經無發熱厥陰少陰亦有發熱謂之反發熱以其藏有相火陰盛格陽於外也

項強

石象醫宗金鑑卷三十一
三
項背八八強太陽脈浮無汗葛根湯有汗桂枝添葛入脈沉枯
蕞桂枝方結胸項強如柔痙大陷胸丸下必康但見少陽休汗
下柴胡去半入蕞良

註

項強太陽病也項背強太陽陽明病也八八拘強而甚之
貌也脈浮屬二陽之表脈也若無汗是從傷寒傳來宜葛
根湯有汗是從中風傳來宜桂枝加葛根湯脈沉謂邪已
入胸裏也宜枯蕞桂枝湯結胸謂結胸病也項強如柔痙
謂項強背反張有汗如柔痙之狀也宜大陷胸丸但見少
陽謂太陽少陽併病之項強休汗下謂邪入少陽不可更
汗下也宜柴胡湯去半夏加枯蕞主之良好也枯蕞桂枝

湯方在金匱要畧

身痛

身痛未汗表實證汗後身疼屬表虛桂加生薑芍藥尺遲血少建中耆少陰沉厥附子治厥陰汗利四逆醫風濕盡痛難轉側掣引煩疼桂附宜

註

身痛未汗屬表實證宜麻黃湯汗後身疼屬表虛證宜桂枝新加湯即桂枝湯倍生薑芍藥加人參也曰桂加即桂枝湯加此也尺遲血少建中耆謂身痛尺中脈遲是血少營氣不足也雖未經汗不可發汗宜建中湯加黃耆以補營血也少陰謂身痛見少陰沉脈四枝厥冷也附子治謂

石金醫宗全錄 卷三十一
空附子湯治也厥陰謂身痛見厥陰厥逆汗出不止下利
清穀也四逆醫謂以四逆湯醫也風濕謂風濕身痛也盡
痛難轉側是濕則令人一身盡痛不能轉側掣引煩疼是
風則令人筋脈牽引煩疼不寧也桂附空謂空以桂枝附
子湯也

煩躁不眠懊懣

躁身不靜煩心擾不躁難眠作熱觀懊懣煩甚無冷病惟躁陰
陽表裏看諸煩無論三法後便軟梔竹等湯煎便鞭白虎三承
氣躁同陰見便屬寒

註
身為熱動而不安謂之躁心為熱擾而不寧謂之煩煩則

擾於內躁則動於外故有心煩而無身煩有身躁而無心躁也大抵煩屬陽躁屬陰若懊懣心中反覆顛倒煩不得眠不與躁同見者皆無冷病當作熱觀也惟躁則不然當分表裏陰陽取治故太陽有不汗出而煩躁謂之在表大青龍證也陽明有心下鞭之煩躁謂之在陽白虎湯證也三陰有吐利手足厥之煩躁謂之在陰四逆輩證也諸煩謂煩不眠懊懣也無論三法後謂不論已經未經汗吐下三法之前後也但大便不鞭者以竹葉石膏溫膽梔子豉等湯主治可也便鞭者量其熱之深淺以白虎三承氣湯主治可也躁同陰見謂躁同也蓋見便屬陰寒之躁宜

四逆理中吳茱萸湯主治可也

自汗頭汗

自汗熱越多急下更兼熱利不休凶頭汗熱蒸不得越黃濕水
火血皆成

一註

自汗在太陽謂之風邪桂枝湯證也在陽明謂之熱越白
虎湯證也若大熱蒸蒸汗出過多則宜調胃承氣湯急下
其熱救其津也若更兼發熱下利不休內外兩脫故凶也
頭汗出剗頸而還則為熱不得外越上蒸於首也或因黃
鬱未發或因濕家誤下或因水結胸蒸或因火劫熱迫或
因陽明蓄血或因熱入血室皆合成之則當分門施治可

也

手足汗

手足澦澦然汗出便鞭尿利本當攻寒中汗冷尿不利攻之固

痾瀉澄清

註

胃主四肢為津液之主今熱聚於胃蒸其津液傍達於四肢故手足澦澦然汗出且小便自利胃中津液必乾大便必鞭本當攻也若中寒胃陽土虛脾不約束津液橫溢四肢猶如陰盛淫雨滂沱故汗出而冷也陽虛失運中寒不化故小便不利也今雖便鞭而手足汗出非為熱越者比慎不可攻攻之必變生固痾泄瀉澄清不止也

潮熱時熱

午後一發爲潮熱無休發熱汗蒸蒸時熱自汗無裏證先時與藥桂枝稱

註

潮熱陽明府證也陽明王於申酉故潮熱發於午後如潮信之不失因名之曰潮熱可下之證也無休發熱汗蒸蒸謂發熱無休止之時熱氣透手溱溱有汗名曰蒸蒸發熱亦屬陽明內實可下之證也時熱自汗者謂發熱時輕時重而有自汗也似潮熱而次數似蒸蒸而休止潮熱蒸蒸之熱則必兼有可下之證時熱時止之熱則必不兼可下之證故曰無裏證也因其無裏證熱而有汗知風邪留連

在表不已故用桂枝主治然必先其發熱汗出之時與桂枝湯也蓋桂枝不為時熱自汗者設而為時熱自汗有表無裏證者設也此處重在無裏證非謂凡有時熱自汗皆可服桂枝湯也

譫語鄭聲

譫語為實聲長壯亂言無次數更端鄭聲為虛音短細頻言重復更呢喃同陽經見均屬熱同陰經見總為寒陽無可攻當清解陰不能溫清補痊

註

言語心主之也心氣實熱而神有餘則發為譫語譫語為實故聲長而壯亂言無次數更端也心氣虛熱而神不

足則發為鄭聲鄭聲為虛故音短而細只將一言重復呢
喃也蓋神有餘則能機變而亂言神不足則無機變而祇
守一聲也凡謔語鄭聲與陽經同見者均屬熱證可以攻
之與陰經同見者總為寒證可以溫之若雖與陽經同見
而無可攻之證不可攻之當清解也與陰經同見而無可
溫之證不可溫之當清補也

渴證

三法傷津胃燥乾陽往乘陰渴亦然渴欲飲水少少與莫使停
留飲病干太陽五苓尿不利陽明白虎飲連連少陽證具心煩
渴小柴去半粉加添

註
渴病多因或汗或吐或下三法傷其津液致令胃中乾燥
故引飲也陽邪往乘三陰太陰則噎乾小陰則口燥厥陰
則消渴渴在三陰陽邪亦屬熱傷津液故曰渴亦然也三
陰之渴治法詳於三陰經內凡渴欲飲水者當少少與之
以滋胃乾胃和則愈若恣意與飲之不但渴不能愈致水
停留爲病也太陽之渴用五苓散者以水停下焦小便不
利故也陽明之渴用白虎者以胃熱飲水連連不已也少
陽寒熱往來等證已具心煩渴者用小柴胡湯以和解去
半夏以避燥加花粉以生津液也

舌胎

舌心外候本澤紅紅深赤色熱為輕外紅內紫為熱重滑白寒
表少陽經沉遲細緊藏寒結乾薄氣液兩虛空黃黑胎潤裏熱
淺焦乾刺裂熱深明黑滑若與三陰見水來尅火百無生

註

舌者心之外候色應紅澤為無病也若初感內外紅深則
為有熱外紅內紫則為熱甚舌胎滑白則為表寒其胎漸
厚則為傳少陽經也熱者宜辛涼汗之寒者宜辛溫汗之
在少陽者為胸中有寒丹田有熱也小柴胡湯兩解之胸
中指表也淺也丹田指裏也深也非直指胸中丹田謂半
裏之熱未成半表之寒猶在故舌白一證有寒有熱也若
其胎滑厚與陰證蟬同見乃藏虛寒結以理中加枳實溫

而開之若其胎乾薄與陽證同見乃氣虛液竭以白虎加人參清而補之若白胎漸變黃色此爲去表入裏其熱尙淺表不罷者宜三黃石膏湯已入裏者涼膈散如焦乾黑色或芒刺裂紋此爲裏熱已深宜梔子金花湯兼滿痛者大承氣湯紅火色也黑水色也與三陽證見爲熱極反兼勝已之化清之下之尙可治也若與三陰證見則爲水來尅火百無一生治者以生薑擦之其黑色稍退急用附子理中四逆輩救之可生

胸脇滿痛

邪氣傳裏必先胸由胸及脇少陽經太陽脈浮惟胸滿過經不

解有陽明乾嘔潮熱胸脇滿大柴加消兩解行心腹引脇鞭滿
痛乾嘔尿秘十棗攻

註

邪氣傳裏必先自胸若脈浮惟胸滿而不及脇者仍屬太
陽表分也宜麻黃湯因胸及脇而皆滿者屬少陽經也宜
小柴胡湯若十餘日不解而胸脇滿兼乾嘔潮熱者是少
陽兼有陽明也宜大柴胡湯加芒消兩解之若表已解心
下及腹引脇滿鞭而痛乾嘔小便不利者是停飲內實也
宜十棗湯攻之

嘔證

嘔病因何屬少陽表入裏拒故為殃大陽之嘔表不解食穀飲

嘔在胃陽太陰有吐而無嘔厥陰涎沫吐蚘長少陰嘔利有水
氣飲嘔相因是水鄉

註

嘔病諸經皆有因何屬少陽也因表邪入裏裏氣拒格上
逆作嘔故為殃屬少陽也宜小柴胡湯心下鞭而煩或不
大便宜大柴胡湯表不解之嘔屬大陽也宜柴桂湯食穀
欲嘔屬胃陽陽明也屬中寒宜吳茱萸湯得湯更嘔
屬表熱宜葛根加半夏湯嘔吐涎沫或嘔吐蚘屬厥陰也
宜吳茱萸湯吐蚘者宜烏梅丸嘔而下利是有水氣屬少
陰也宜真武湯飲而嘔嘔而飲飲嘔相因不已是停水也
宜五苓散

往來寒熱如瘧寒熱

往來寒熱少陽證寒熱相因小柴胡如瘧寒熱三五發太陽麻桂等湯除

註

寒而熱熱而寒寒熱相因不已故名曰往來寒熱爲少陽主證宜小柴胡湯寒熱而有作止之常一日一次或隔日一次謂之瘧屬雜病也寒熱而無作止之常日三五發謂之如瘧屬太陽經未盡之表邪也宜麻桂各半湯若熱多寒少宜桂枝二越婢一湯若有汗宜桂枝二麻黃一湯若無汗亦宜麻桂各半湯此皆治太陽未盡之微邪法也

目眩耳聾

少陽目眩神自正諸逆昏亂不能生重暈耳聾濕溫汗不語而
色變身青

註

目眩者目黑不明也耳聾者耳無所聞也皆少陽經主證
非死候也其目之明其耳之聰神自完整若因三法失宐
致諸變逆壞證目眩而神昏言亂乃神散氣脫之候故曰
不能生也若因誤發濕溫家汗而不能言語耳聾無聞身
青面色變者名白重暈亦死證也

腹滿痛

腹滿時痛不足證腹滿大痛有餘名誤下邪陷太陰裏汗熱便
鞭轉陽明

註
腹滿時痛爲不足桂枝加芍藥湯不愈用理中湯腹滿大
痛爲有餘桂枝加大黃湯此皆誤下邪陷太陰之裏證也
若潮熱自汗大便鞭則爲太陰之邪轉屬陽明也宜大承
氣湯

吐證

中寒吐食不能食不渴而厥吐寒虛得食吐渴火爲逆飲吐相
因水病居

註

中寒吐食謂中寒吐食不能食也凡不渴而厥吐是寒虛
吐也宜理中吳茱萸輩凡渴而得食卽吐是火吐也熱實
宜黃連解毒湯熱虛宜乾薑黃連黃芩湯或竹葉石膏湯

渴而飲而吐吐而復渴水逆病也宜五苓散

熱利寒利

熱利尿紅渴黏穢寒利澄清小便白理中不應宜固澁仍然不

應利之瘥

註

自利不渴者屬太陰寒也下利欲飲水者以有熱故也此以渴辨寒熱也小便黃赤穢氣稠黏者皆熱利也小便清白澄徹清穀皆寒利也熱利有表證輕者升麻葛根湯重者葛根湯汗之有裏證者量以三承氣湯下之無表裏證輕者宜黃芩湯重者宜葛根黃連黃芩湯清之寒利宜理中湯溫而補之若服理中湯不應者此屬下焦滑脫宜赤

石脂禹餘糧湯固澁仍然不應此爲清濁不分水走大腸
岁五苓散或豬苓湯利之可瘥也

但欲寐

行陰嗜臥無表裏呼醒復睡不須驚風溫脈浮熱汗出多眠身
重息鼾鳴

註

行陰欲寐嗜臥少陰證也若欲寐嗜臥無表裏證身和脈
小知已解也然解後之睡呼之則醒醒而又睡是陰氣來
復非陰盛困陽不須驚也風溫亦欲寐多眠則有脈浮發
熱汗出身重鼻息鼾鳴之別也

陰陽咽痛

咽痛乾腫爲陽熱不乾不腫屬陰寒陽用甘桔等湯治陰用甘桔附薑攢

註

咽痛一證寒熱皆有咽乾腫痛爲三陽熱證宜甘桔半夏苦酒豬膚等湯調治不乾不腫而痛爲三陰寒證宜四逆湯加桔梗主治也

氣上衝

氣撞吐虵厥陰本無虵陽表桂枝湯少腹急引燒棍散衝喉難息瓜蒂良

註

氣撞吐虵謂厥陰本證也無虵謂氣撞不吐虵乃邪猶在陽表也宜桂枝湯少腹急引謂氣上衝更少腹引陰急痛

乃陰陽易病也空燒棍散衝喉難息謂氣上衝喉胸滿難以布息乃寒實在胸也空瓜蒂散

饑不欲食

不欲食吐衄厥下後不食屬陽明懊憹頭汗梔子豉厥緊心邪在胸

註

饑不欲食吐衄厥謂厥陰本證也下後饑不能食屬陽明

也陽明病則懊憹心中煩甚頭上汗出是熱在胃中空梔子豉湯涌之厥陰病則吐衄厥逆脈微今不微而緊更心煩者非寒虛邪是寒實邪而在胸中空瓜蒂散吐之

手足厥逆

太陰手足溫無厥少陰厥冷不能溫厥陰寒厥分微甚熱厥相
因辨淺深

註

太陰經無厥逆而有手足自溫少陰經有寒厥而無熱厥
厥陰經有寒熱二厥寒厥者祇寒而不熱也熱厥者由熱
而厥由厥而熱熱厥相因無休歇也當辨陰陽淺深以當
歸四逆承氣等湯施治可也詳厥陰篇

少腹滿痛

少腹滿而按之痛厥逆尿白冷膀胱不厥血蓄小便利小便不
利水為殃

註

少腹滿按之痛若四肢厥冷小便清白者是冷結膀胱宜

當歸四逆加吳茱萸生薑湯不厥冷小便自利者是血蓄
膀胱宜桃仁承氣湯小便不利者是水蓄膀胱宜五苓散
若大小便不利者是水熱蓄結宜八正散

神昏狂亂蓄血發狂

神昏胃熱重陽狂三黃三承白解湯蓄血發狂小便利少腹鞭
痛屬太陽陽明蓄血大便黑其人如狂而喜忘桃仁承氣抵當
治須識作汗奄然狂

註

神昏胃熱謂神昏是胃經熱極乘心也重陽狂謂熱入於
陽則狂亂也三黃謂三黃石膏湯治神昏狂亂表實無汗
者也三承謂三承氣湯治神昏狂亂裏實不便者也白解

湯謂白虎解毒湯治神昏狂亂無表裏證而熱極者也太陽蓄血發狂則少腹鞭痛小便自利若小便不利是水熱蓄也非血蓄也陽明血蓄如狂則喜忘大便黑若大便不黑是熱極也非血蓄也蓄血輕者桃仁承氣湯重者抵當湯擇而用之可也然發狂證亦有陽盛陰虛之人作汗將解之時奄然發狂澀然汗出而解者當須識之不可以藥也

循衣摸床

循衣摸床有二因太陽火劫熱傷陰小便利生不利死陽明熱極熱彌深皆緣三法失成壞衄實堪下弱難禁虛實陰陽難辨

處獨參六味可回春

註

循衣摸床危惡之證也一因太陽火劫取汗致陽盛傷陰
陰若未竭則小便利多生陰若已竭則小便難多死一因
陽明熱極汗吐下三法失宜致成壞證其熱彌深脈實者
堪下則可治脈弱者不堪下則難治此已成危惡壞證往
往陰陽虛實醫莫能辨無下手處當以大劑獨參六味乾
生地黃湯時時與之每獲生也

太陽陽邪停飲

太陽陽邪有水逆消渴發熱汗出煩小便不利水入吐衄浮而
數五苓攢

註

太陽陽邪有水逆消渴之病謂太陽中風有渴欲飲水水入即吐者名曰水逆飲水多而小便少者名曰消渴發熱汗出風邪也煩熱也小便不利水入則吐飲停也浮數風熱脈也均宜五苓散多服煖水令微汗出外解太陽內利停水則愈若不能飲煖水欲飲冷水者是熱盛也以五苓散加寒水石石膏滑石可也詳太陽上篇

太陽陰邪停飲

太陽陰邪有水氣傷寒無汗熱烘烘主證乾嘔欬微喘外發內散小青龍小便不利少腹滿下利除麻共入苓噎麻易附喘加杏渴加花粉減半平

註

太陽陰邪有水氣謂太陽傷寒表不解發熱無汗兼有乾嘔而欬微喘飲病之主證宜以小青龍湯外發寒邪內散寒飲則可愈也或小便不利少腹滿或下利或噎或喘或渴此飲病或有之證亦以小青龍湯主之小便不利少腹滿是水停下焦大便下利是水走大腸俱除麻黃共入茯苓專滲利也噎為內寒之甚以麻黃易附子散內寒也喘氣上逆加杏仁以降逆也渴加花粉減去半夏以避燥生津也詳太陽下篇

少陰陽邪停飲

少陰陽邪有停飲六七日反不得眠下利而渴欬而嘔小便不

利豬苓煎

註

少陰陽邪有停飲謂少陰陽邪熱證兼有停飲病也少陰病當欲寐至六七日反心煩不得眠是少陰熱也下利而渴欬嘔小便不利是水飲停也以豬苓湯去其熱而利其水可也詳少陰篇

少陰陰邪停飲

少陰陰邪有水氣腹痛四肢重沉疼小便不利自下利或欬或嘔真武平欬加乾薑辛味共小便若利去茯苓嘔去附子生薑倍利去芍藥入乾寧

註

少陰陰邪有水氣謂少陰陰寒兼有水氣病也飲病主證

謂腹痛四肢沉重疼痛大便自利小便不利宜真武湯溫
中利水也飲病或有之證或欬或小便利或嘔或下利欬
加生薑細辛五味子小便若利去茯苓嘔去附子倍加生
薑利去芍藥入乾薑也

喘急短氣

喘息喝喝數張口短氣似喘不擡肩促難布息為實證短不續
息作虛觀內因飲病或痰熱外因陰陽表裏看直視神昏汗潤
髮皴微肢厥命難全

註

喘息氣急喝喝而數張口擡肩欠肚者喘也短氣則似喘
非喘而不張口擡肩也二證皆胸中氣病肺主氣故屬肺

也無論喘急短氣若氣促壅塞不能布息爲有餘之實證
若氣短空乏不能續息爲不足之虛證內因謂飲冷傷肺
或因痰熱也外因謂形寒傷表表主皮毛肺之合也皮毛
受邪其次及膚及肌及胸及腹入胃皆令病喘當審陰陽
表裏從化主治可也喘急短氣兼直視神昏汗出潤髮岷
微四肢厥冷皆死候也與三陰寒證同見是爲陰喘宜四
逆加杏仁五味子虛者倍加人參與三陽熱證同見是爲
陽喘宜白虎葛根黃芩黃連湯與太陽表證同見是爲表
喘無汗者麻黃湯兼煩躁者大青龍湯有汗者桂枝加厚
朴杏子湯與陽明裏證同見是爲裏喘宜大承氣湯兼結

胸者宜大陷胸丸若兼水氣表實者小青龍湯表虛者及
小便不利均宜五苓散加葶藶子裏實者宜葶藶大棗湯
兼腹脇鞭痛者宜十棗湯裏寒者宜真武湯若脈微細口
鼻氣短喘乏而無陰陽表裏證此氣虛喘也宜保元湯加
五味子杏仁若喘而唾痰稠黏喉間漉漉有聲此痰喘也
重者宜瓜蒂散礞石滾痰丸輕者二陳加苦葶藶子蘇子
之類也

心下悸

築築惕惕心動悸怔忡忡不自安飲多尿少爲停水厥冷汗
後是虛寒

註
心下築築惕惕怔怔忡忡謂悸病之狀也飲水多而小便
少水停心下之悸也宜茯苓甘草湯或五苓散厥冷爲寒
宜真武湯汗後爲虛宜小建中湯或不因汗後是虛之甚
也宜炙甘草湯

戰振慄

戰身聳動慄心慄振雖聳動比戰輕故振責虛因無力慄戰相
交邪正爭此證若生三法後虛其中外逆而成不逆因和而作
解正勝邪却戰汗平

註

戰謂身抖聳動也慄謂心內發慄也振亦聳動比之於戰
則無力也所以論中曰振振者皆責其虛也慄邪氣爲之

也戰正氣爲之也邪正相交故爭也此證若生於汗吐下
之後是虛其中外而致逆也若不致逆邪因以衰正因以
和而作解則爲正勝邪却戰慄汗出而平也

呃逆噦噫

呃逆今名餽古名不似噦噦胃裏聲餽聲格格連聲作原夫膈
下氣來衝頗類噦噫情自異均屬氣逆治能同虛熱橘皮竹茹
治二便不利利之寧氣不歸原宐都氣寒虛丁萸附理中痞鞭
下利生薑瀉痞鞭噫氣代赭功

註

今之名曰呃逆卽古之名曰餽也餽者氣噎結有聲也世
有以噦爲呃逆者蓋不知噦噦之聲聲從胃裏出口不似

飮之格格連聲氣從臍下來自衝脈出口作聲也呃逆頗
類噎氣噫氣噎氣者因飽食太急此時作噎轉食氣也噫
氣者因過食傷食越時作噫食臭氣也故曰情自異也但
均屬氣逆爲病故曰治能同也呃逆之病胃氣虛竭也兼
熱者以橘皮竹茹湯加柿蒂主之兼大便不利以三承氣
湯主之兼小便不利以二苓散湯主之兼腎虛不能攝衝
脈之氣歸原以都氣湯加牛膝主之兼寒虛太陰手足溫
以丁萸理中湯主之少陰手足厥更加附子兼痞鞭下利
以生薑瀉心湯主之兼痞鞭噫氣以旋覆代赭石湯主之

結胸

按之滿鞭不痛痞鞭而滿痛爲結胸大結從心至少腹小結心
下按方疼熱微頭汗爲水結漱水不嚥血結名瘀衄未盡經適
斷內實沉大審的攻抵當桃仁大小陷誤攻浮大命多傾不實
浮滑小陷證藏結悉具躁煩凶

註

傷寒下之太早則成痞鞭中風下之太早則成結胸均爲
表邪乘虛入裏鞭滿按之而痛爲結胸實邪也鞭滿按之
不痛爲痞鞭虛邪也大結謂大結胸從心下至少腹鞭滿
而痛手不可近者宜大陷胸湯攻之小結謂小結胸微結
心下按之方痛不按不疼也宜小陷胸湯開之身有微熱
頭自汗出兼有是證者爲水結胸也宜大陷胸丸攻之漱

水不欲嚥兼有是證者爲血結胸也血瘀不成衄解或衄未盡或婦人經來適斷皆能成之空抵當丸或桃仁承氣湯攻之內實證實可攻也沉大脈實可攻也審其的當則用抵當桃仁承氣大陷胸湯丸以攻之審若不內實脈浮滑或脈浮大是未的也乃小陷胸證不可攻也誤攻之定然凶也藏結謂狀如結胸舌胎白滑脈浮而細也悉具謂結胸通腹兩脇皆鞭滿痛也此證加之煩躁凶死可知

痞鞭

陽證痞鞭爲熱痞大黃黃連瀉心寧汗出惡寒寒熱痞附子瀉心兩收功誤下少陽發熱嘔痞滿半夏瀉心能虛熱水氣痞下

和心煩乾嘔腹雷鳴虛熱水氣生薑瀉痞急氣逆甘草靈桂枝
表解乃攻痞五苓煩渴利尿通

註

傷寒下早則成痞鞭中風下早則成結胸此其常也然論
中中風下早未嘗無痞鞭傷寒下早亦有結胸大抵從虛
化者多爲痞鞭從實化者多結胸也陽證心下痞鞭爲熱
痞宜大黃黃連瀉心湯若陽證汗出惡寒爲寒熱痞宜附
子瀉心湯誤下少陽發熱而嘔心下痞滿爲嘔逆痞宜半
夏瀉心湯陽證誤下心下痞鞭下利心煩乾嘔腹中雷鳴
脇下有水氣致小便不利爲虛熱水氣之痞宜生薑瀉心
湯若有是證脇下無水氣其痞急益甚爲虛熱客氣上逆

之痞宜甘草瀉心湯凡有痞者有無汗惡寒之表宜桂枝湯表解已乃可以大黃黃連瀉心湯攻痞也若有痞者與瀉心湯痞不解其人煩渴小便不利先以五苓散小便利後乃可與諸瀉心湯治痞也

發黃

濕熱發黃頭汗出小便不利渴陽明素有寒濕發汗後黃從陰化太陰經陽色鮮明陰色暗太陽血蓄併狂生表實麻翹赤小豆茵陳裏實梔子清陰黃茵陳四逆主便溏尿秘茵五苓環口黧黑柔汗死體若烟熏陽絕徵

註陽明病應徧身有汗謂之熱越今頭汗出身無汗是熱不

得越也渴而引飲小便不利是停水也熱與濕痰從土而
化外薄肌肉謂之濕熱發黃也或其人素有寒濕爲表邪
遏鬱或已成黃又經發汗傳入太陰從陰而化謂之濕寒
發黃也陽明屬陽故其色明亮太陰屬陰故其色晦暗也
太陽蓄血亦有發黃多與狂病併生法當從蓄血治也表
實無汗發黃者宜麻黃連翹赤小豆湯汗之裏實不便者
宜茵陳蒿湯下之無表裏證熱盛者宜梔子蘘皮湯清之
陰證發黃者宜茵陳四逆湯溫之若大便溏小便秘發黃
者宜茵陳五苓散利之環口黧黑柔汗者陰黃死證也柔
汗謂冷汗也身體枯燥如烟熏者陽黃死證也

疹斑

傷寒疹斑失汗下感而卽出時氣然表邪覆鬱營衛分外泛皮
脈痧疹斑痧白疹紅如膚粟斑紅如豆片連連紅輕赤重黑多
死淡紅稀暗是陰寒未透升麻消毒治熱盛三黃石膏煎已透
青黛消斑飲雙解痧疹法同前

註

傷寒發斑疹痧皆因汗下失空外邪覆鬱內熱泛出而成
也惟時氣傳染感而卽出亦由疫之爲病烈而速也發於
衛分則爲痧衛主氣故色白如膚粟也發於營分則爲疹
斑營主血故色紅膚淺爲疹深重爲斑斑形如豆甚則成
片連屬斑疹之色紅者輕赤者重黑者死此以熱之深淺

命門醫金鑑卷三十一
三十一
驗死生也若其色淡紅而稀暗者皆因邪在三陽已成斑
疹入裏邪從陰化或過服冷藥所致是爲陰斑陰痧陰疹
法當從陰寒主治也斑出未透表熱輕者宜升麻葛根湯
合消毒犀角飲治之表熱重者宜三黃石膏湯發之已透
用青黛消斑飲加減清之癍疹初起表裏不清用雙解散
先通表裏餘法同前治之可也

衄血

陽明衄血熱在裏太陽衄血熱瘀經太陽頭痛目瞑兆陽明漱
水不嚥徵衄後身涼知作解不解升麻犀角清未衄表實麻黃
汗裏熱犀角蒼連同

註
陽明衄血熱在裏也太陽衄血熱瘀經也太陽失汗則有
頭痛目瞑之兆陽明失下則有漱水不欲飲之徵衄血之
後身涼脈靜知作解也若仍不解知衄未盡熱留於營也
無汗表熱宜升麻葛根合犀角地黄湯清解之欲作衄未
衄者表實宜麻黃湯汗之裏熱宜犀角地黄湯加芩連清
之若表實裏熱者則又當合二方兩解之

吐血

傷寒吐血多因逆下厥上竭少陰經三陽熱盛宜清解血瘀胸
滿痛當攻暴吐腐臭內潰死過多血脫面無紅犀角桃仁宜揀
用救脫聖愈及養榮

傷寒吐血皆因失汗失下火逆以致邪熱熾盛沸騰經血
故也若血從口鼻耳目而出小便難此爲強發少陰汗名
曰下厥上竭爲難治也三陽熱盛吐血空升麻葛根合犀
角地黃湯熱甚加芩連清解可也若血瘀則胸滿或痛當
以桃仁承氣合犀角地黃湯攻之若暴吐腐臭之血名曰
內潰內潰者死若吐血過多面唇無紅色名曰血脫救脫
輕者以聖愈湯重者以人參養榮湯

大小便膿血

熱在膀胱小便血入正導赤利之佳熱瘀裏急下膿血黃連白
頭與桃花

註陽經之熱下注膀胱傷其營分熱少血多瘀成血蓄熱多
血少熱迫血行血不得蓄而走下竅故尿血也以八正散
導赤散利而清之陰經之熱轉迫陽明傷其營分瘀則血
蓄喜忘如狂不蓄則便血熱腐則便膿便膿熱鬱裏急下
重所必然也輕者宏黃連阿膠湯重者白頭翁湯清之滑
脫者桃花湯瀉之可也

頤毒

傷寒發頤耳下腫失於汗下此毒生高腫焮紅痛爲順反此神
昏命必傾毒伏未發脈亦隱冷江淋漓肢若冰煩渴不便指甲
紫頰似三陰了了輕

註 傷寒頤毒皆因汗下失空毒熱挾少陽相火上攻而成也
 若其人陽氣素盛則高腫焮紅疼痛易於成膿故為順也
 空連翹敗毒散散之或其人陽氣素虛或服冷藥過多濕
 鬱毒熱伏藏在裏內攻神昏外毒漫腫肉色不變不疼木
 硬則命必危也毒伏未發之前往往似三陰亡陽之證脈
 隱不見冷汗淋漓肢冷若冰但身輕目睛了了煩渴不大
 便指甲紅紫為異此毒發始臨治不可忽也

狐惑

古名狐惑近名疳蝕肛陰惑唇咽病後餘毒斑疹後癖疾利
 後也同然面皆赤白黑不一目不能閉喜食眠潮熱聲啞腐穢

氣能食堪藥治多全

註

狐惑牙疳下疳等瘡之古名也近時惟以疳呼之下疳即
狐也蝕爛肛陰牙疳即惑也蝕咽腐齧脫牙穿腮破唇毒
因傷寒病後餘毒與濕蘊之爲害也或生斑疹之後或生
癍疾下利之後其爲患亦同也其證則面色目眚或赤或
白或黑時時不一喜睡目不能閉潮熱聲啞腐爛之處穢
氣熏人若胃壯能食堪受攻病重藥或病之勢緩治多全
也

百合

百合百脈合一病如寒似熱藥無靈飲食起居皆忽忽如神若

鬼附其形 脈數 溺時輒頭痛 溺時不痛 淅淅風 溺時快然 但頭眩 六四二十病方寧

註

百合病者 謂傷寒過期 留連不解 不分經絡 百脈悉合 爲一病也 如寒似熱 諸藥無靈 欲飲不能 飲食不能 食欲臥不能臥 欲行不能行 精神忽忽 如神若鬼 附其形體 而莫知所適從也 如脈數 溺尿時輒頭痛者 六十日乃愈 若溺尿時頭不痛 惟淅淅然惡風寒者 四十日乃愈 若溺時快然 但頭眩者 二十日乃愈 故曰六四二十日病方寧也

熱入血室

婦人傷寒 同一治 胎產經來 熱入血室 晝日明了 夜譫妄 小柴生

地牡丹皮無汗加麻有汗桂汗後不解再加枝寒熱如瘧加麻
桂中寒薑附不須疑渴熱白虎花粉葛瘀血桃仁承氣俱產後
胎前雖多證不外陰陽表裏醫

註

婦人傷寒與男子治法同也惟產後經來邪熱乘虛而入
血室另有治法熱入血室之證晝日明了夜則譫語妄見
鬼狀空小柴胡湯加生地丹皮若無汗則爲表實加麻黃
汗之有汗則爲表虛加桂枝解之若有發熱惡寒之表已
經發汗雖無汗不加麻黃再加桂枝以解之不可復用麻
黃也若有如瘧之寒熱加麻黃桂枝兩解之若厥而下利
則爲中寒去黃芩加薑附不須疑也若發熱煩渴則爲裏

熱去半夏合白虎或加花粉葛根胸脇少腹或滿鞭或作
痛則爲瘀血宜合桃仁承氣湯攻之產後胎前雖有多證
不能盡述總不外陰陽表裏之治在臨證者以意消息之
耳

食復勞復

新愈藏府皆不足營衛腸胃未通和多食過勞復生熱枳實梔
子大黃差浮汗沉下小柴解燥嘔竹葉石膏合氣虛補中益氣
主陰虧六味倍參多

註

新愈之後藏府氣血皆不足營衛未通腸胃未和惟宜自
粥靜養若過食胃弱難消因復煩熱名曰食復若過勞役

復生熱煩名曰勞復勞復者宜枳實梔子豉湯汗之食復者宜枳實梔子豉加大黃湯下之脈浮有表者宜枳實梔子豉加大黃湯以下解之若無表裏證者宜小柴胡湯以和解之口燥煩渴喜嘔者宜竹葉石膏湯主之若內傷氣虛勞復者宜補中益氣湯主之若犯內事陰虧者宜六味生乾地黃湯氣少者倍加人參湯主之

房勞復陰陽易

房勞復與陰陽易二病情異證則同病後犯色復自病病傳不病易之名男女俱主燒棍散少腹急痛引陰中身重少氣頭眩

暈拘攣熱氣上衝胸

註

男女新愈交接因而復病名曰房勞復男女新愈交接病
男傳不病之女病女傳不病之男名曰陰陽易即交易之
義也犯是病者男以女之棍襠女以男之棍襠燒灰白湯
或酒日三服之則愈少腹急痛牽引陰中身重少氣頭目
眩暈四肢拘攣熱氣衝胸是其證也

